


關
漢
甫
鹿
洲
全
集

97.662
4421
3





鹿洲初集卷六

序

送宮詹沈心齋先生還浙序

浙西沈心齋先生。曩以宮僚來督閩學。清公明慎。為
有閩學使第一還朝者。四載矣。閩人思之甚。構祠勒
碑。用志不朽。猶云未足為報也。歲己丑。先生以歸省。

漳浦藍鼎元玉霖著
衡山曠敏本魯之評



之暇重遊閩邦邦人士喜躍欲狂如赤子之依父母
日於名勝地集良友鋪几筵以娛先生先生顧而樂
之分韻賦詩張侯較射登道山望滄海拜九賢書院
上平遠臺出西寺泛舟西湖乘風荷亭之間凡榕城
古蹟名勝及時人園榭亭沼諸生無不奉以遊遊無
寂寞不醉以歸如是者匝月將行諸生把袂牽衣復為強
留數日或奉將錢幣或解及劍琴書竹石玩好山蔬
野品隻雞樽酒各以其意致慇懃先生雖固辭不得
也而興泉汀漳之士日望先生辱臨以壯山川之色
忽揀四郡情景迫切

伸尺寸微誠者竟不可得喁喁怨慕亦各携筐餽贖
寄遙情于千里之外且囑後日來閩無獨棄我南州
為也好接法是時鼎元家居去會城八百里倍道疾趨六日
造謁至則刻期登舟矣倉皇再拜悲喜交集因念昔
者先生督學閩南鼎元獨蒙國士之知知已之感追隨三載丙
戌一別四易星霜曾不能有所樹立以慰先生之望
加以雲山遼遠覲面無由於今始得一見而招招舟
子鼓棹欲西生非草木何能為情於是隨至武夷同
行七百餘里目覩先生所過富沙南劍諸州多士迎
補入延建二郡

送。權。闐。慤。懃。欸。洽。不。異。省。筆。所。聞。於。三。山。者。始。知。古。人。所。謂。廉。吏。不。可。為。者。之。妄。也。人。當。涖。官。據。要。時。雷。厲。風。行。何。求。不。獲。迨。事。權。已。謝。有。覲。面。目。不。堪。復。對。此。邦。之。人。即。中。材。以。上。有。恩。澤。於。人。者。事。後。重。來。其。慤。懃。欸。洽。不。過。數。人。而。已。孰。能。使。九。郡。一。州。六。十。縣。之。衆。果。亦。人。情。人。人。踴。躍。如。一。心。哉。先。生。昔。日。在。閩。之。苦。鼎。元。身。親。見。之。而。先。生。毅。然。不。回。及。事。竣。還。朝。蕭。瑟。難。堪。愛。先。生。者。莫。不。以。太。自。苦。為。憾。觀。此。日。之。行。樂。乎。否。耶。人。生。富。貴。不。啻。浮。雲。金。穴。寶。庭。於。今。安。在。先。生。雖。自。苦。即。此。

於。一。時。而。名。且。流。千。百。世。邦。家。之。光。豈。獨。吾。黨。之。幸。乎。特。恨。鼎。元。不。能。同。至。浙。西。又。將。匆。匆。別。去。也。黯。然。銷。魂。潛。焉。出。涕。未。知。侍。側。又。在。何。日。敬。書。數。語。以。送。先。生。之。行。

言言從肺腑中流出可謂情文備至

送陳少林遊吳越序

吾友陳君少林將遊吳越。嚮田質衣拮据百餘金以行。同學諸子追而送之。邑之郊餞焉。少間有執爵而言曰：拙哉先生！示富耶？寒士出門携數寸不律襜被一囊足矣。必效富人載金而出，能遊者有幾？或曰：方今世路冰清，當道貴人，不忍以財帛汚君子遊者所至。擁篲迎門，鞠躬揖讓，及其歸也，兩拜而別耳。長汀黎媿曾先生每聞遊客歸來，必問被囊在否。在則酌酒相慶，君無乃鑒于此，故預為之備與？陳君笑未有

以應藍子曰噫君之爲此有所爲也君昔在襁褓尊
人寓居東粵與會稽林漢冲公友善君二歲喪母尊
人以托于林未幾尊人又沒林撫君如已子教之讀
書成立及君伯氏元戎公擁旌節于粵始以君歸而
林公已卒君經紀其二喪既復負二骸同兩尊人柩
還葬于浦林公有孫在會稽君庚寅遊越當事有餽
君金者君傾囊與之今拮据此行將爲更置桑田數
畝非漫遊之謂也或曰君家未有足食之政而遽爲
此舉人情乎陳君愀然太息徐而應之曰噫吾之爲

此非得已也吾少受林之恩不啻父母向者尚思改
葬二柩還諸會稽冀得稍稍有力將經理其家以厚
爲報今年逾半百功名二字淡若浮雲筋力日以就
衰後雖欲行難矣吾非不恤吾家顧念饑寒吾素卽
不爲此亦無解于饑寒藍子曰嗟乎古道之不存久
矣負恩寡情皆由富貴未有責及貧賤者夫惟吾黨
能人之所難斯世道人心賴杜礎耳君才具優長文
詞古雅不屑意于非道之富貴而情義之間若此亦
足觀矣予與君同受業于廷尉陳公閣部沈公之門

君此行將由會稽而鄞水存問吾師廷尉之家又將
 過浙西溯茗雲哭吾師沈公靈次為漳郡及門致諸
 祭軸誅章是則予小子所傷心內慙臨風隕涕者也
 稽首丐君于二師之前為予小子多一拜焉秋風瞬
 息鼓棹遄歸或兼程入都就試京闈一展生平經濟
 報二師平昔之望吾知林公九原其喜更有大焉者
 矣因書數語以送其行時庚子莫春三日也

陳君古道君子奇人奇事可以媿世情偷薄者文
 亦錯落入古可稱雙絕

送林仲謙之陽曲序

仲謙如晉應沈陽曲聘也辭家七千里劍佩長征將
 由粵而豫章歷江漢經鄭衛以至太原同學諸公出
 邑郊三里送之得仙橋賦詩酌酒為別仲謙意氣豪
 上無黯然銷魂色斯遊也可謂壯矣秋高桂馥奪幟
 燕臺春日杏花驤首王路在此行也夫士君子一舉
 一動必思有益於人目之所觸足之所履皆有痛癢
 關心之處吾聞陽曲古晉陽地繭絲保障事在人為
 沈君賢且能必有以擇乎此仲謙經濟才長得與朝

夕談論揣摩民間疾苦晉之窮簷其麻不周乎在上
所○謂○繁○鉅○是○也體恤一分則民受一分之賜不特物力為然民隱尤
甚願仲謙與賢主人共存此心以為陽曲之幸此行
為不虛矣是為序

士君子一舉一動必思有益於人此聖賢經世濟
物納溝撻市胸境鹿洲初年便已如此存心如此
勉人可想見范文正公作秀才以天下為己任也

送謝古梅太史還閩序

太史謝古梅謁告將南歸同學榮其行也為詩若文
以送之於是鹿洲藍鼎元慨然嘆曰噫美矣良友之
行余亦安忍默也顧以浮華之辭則不能揚頌之辭
先將闕文一筆抹却則不必離愁別緒亦近婦孺氣非所當言思惟朋友
之義有善相勸勿謂余為迂余亦達其情太史曰善
先叙太史之學一段試言之鼎元曰太史於詩為伯於文為匠於字兼晉
唐宋元諸家之長志高而行篤學博而才宏今之三
代士也余惡乎言諸年少而壓羣英排金門典一代

鴻章鉅制海內方以燕許相推重忽興將母之思足亦解趣移疾有辭今將扶筇杖趨桑梓開竹廬於道○次○叙○還○鄉○之○樂○一○段○山之麓板輿萊袖以林泉詩酒為養志人生勝事無有過於此者余惡乎言諸雖然太史好學者也行矣○詩○多○類○若○只○趕○出○此○一○句○為鄉先生請與言吾鄉之學吾鄉前哲自龜山得伊洛之正傳歷豫章延平以及朱子斯道燦然如日月經天淵源可得而溯也建陽游定夫與龜山同出程門武夷胡原侯則程門之私淑也傳二子為致堂為五峯而從于籍溪與劉氏屏山白水皆嘗為朱子之

師可謂盛矣朱子傳之蔡西山九峯黃勉齋陳北溪

李果齋諸先生而浦城真西山又朱門之私淑也○極○叙○閩○中○之○學○太○史○闢○人○自○不○應○虛○此○一○還○

宋閩儒甲於天下爰及元明以來亦有熊勿軒蔡虛齋陳剩夫稍稍絕續吾儕生先儒之鄉可令鄉人不○士○意○

知先儒之學乎憶侍中丞儀封公倡開鰲峯講席爾

時同學諸君子彬彬○此○事○原○不○堂會幾何日遂成疇昔余不

肖固不足道其他皆以事業功名顯於此事寂寂鮮

聞惟蔡梁村先生一繼臯比不憚大聲疾呼以成就○容○易○

後學為已任今仕宦於朝又無暇此太史之居則勉○層○層○

○通○緊○太○史○不○得○寬○其○責○矣○
齋故里近鼇峯若彼其甚也余不能無厚望焉詩文
詞賦真草篆隸之學偶爾適情游藝焉則已必孳孳
矻矻日夜以求極其工則程子所謂玩物喪志者矣
太史於此數者既並臻絕頂直造古人之奧域願自
今勿復以此為意專一心志於聖賢之學誘迪吾鄉
英偉之士使皆篤學力行人人有不自暴棄之思又
相與講求經世理物兵農禮樂之經濟使皆有體有
用達可為國家之名臣窮勿墜閩學之宗風則太史
之功大矣俗士狃於見聞以科名利祿相矜高與之

言聖人之道則駭為狂且愚不知道非高遠即在人
倫日用之閒臣忠子孝兄友弟恭夫婦居室朋儕洽
比一舉一動皆有當然不易之則夫誰能出吾道之
範圍乎饑而食渴而飲人人皆然也而食所當食飲
所當飲即道也異學以窈冥昏默虛空影響言道似
人生綱常倫紀之外別有憑虛髣髴之一物是以終
日言道而無可捉摸言悟道而歸于恇怳善乎朱子
之言曰道者日用事物當行之理皆性之德而具于
心無物不有無時不然所以不可須臾離也孟子曰

人能充無欲害人之心而仁不可勝用人能充無穿
 窬之心而義不可勝用仁至義盡則已為聖賢矣此
 無欲害人無穿窬之心學者敢謂自己無之乎而不
 敢學為聖賢是立志欲害人欲穿窬也聖賢未嘗難
 學人人皆可以勉而能而特不許浮偽者之矯托于
 其間學見若外談仁義而勢利若烈火之焚心貌似篤誠
 而胸懷若鬼蜮之變幻此等為吾道之害有甚于釋
 老異端辭而闕之廓如夫非吾徒之責歟太史榮名
 既成蒼生未迫乘茲寬閒之歲月知必有以闡明絕

學大為功于吾道者道固在躬行不在詞說而欲傳
 之來學則不得不費詞說太史安得獨吝也禮於名
 當諱卑不可以名尊賤不可以名貴然二名不偏諱
 記亦有之余不敢避世俗之嫌請太史思當日父師
 命名之義太史名道承當不以余言為迂而必求名稱其實
 乎吾友林洙雲績學精深踐履純篤天將使與于斯
 道也是故老其才於有用不忍以科名利祿早紛其
 力量而淆其志氣蓋所以待之者厚矣幸併以余言
 告之

太史爲閩之人學閩之學非過求於太史也責太史以學鄉先儒而并欲其率同鄉以學鄉先儒則太史之地位既高送太史者之身分越高并同鄉之品望亦高此文之不求高而高不可及者唐宋諸大家集中亦罕見此種也


送李司諫觀察江西序

○直○起○傑○拔○
今天子重民生國計之任慎簡名卿士爲牧伯於是
大司諫樂亭李公承命觀察西江綜理糧儲諸務公
畿輔名儒爲吾師儀封先生丁酉京闈弁冕士先生
以絕學屬之茂茂捷南宮簪筆待從癸卯甲辰分校
禮闈者二典江南鄉試者一所得士皆卓卓有聲
天子方開言路崇正直遷公諫垣乙巳擢都諫天下
想望風采將頌公爲名諫官甫越月而又有此行蓋
聖主愛公之深用公之速而西江獨蒙嘉惠何其幸

也。夫。觀。察。表。率。守。令。佐。制。撫。宣。朝。廷。政。化。為。一。方。上。
下。樞。軸。所。係。甚。重。守。令。弗。能。其。官。觀。察。得。更。張。之。制。
撫。弗。便。于。民。觀。察。得。匡。救。之。依。阿。詭。隨。無。所。建。白。則。
負。當。宁。簡。任。盛。心。若。有。意。自。表。孤。貞。稜。稜。圭。角。亦。非。
協。恭。和。衷。同。舟。共。濟。之。道。膺。斯。任。者。良。難。矣。况。糧。儲。
民。生。命。脉。國。家。本。計。取。於。下。者。留。不。盡。之。脂。膏。藏。諸。
官。者。絕。侵。漁。之。雀。鼠。管。蕭。流。亞。乃。足。以。與。于。斯。
天。子。知。公。精。明。渾。厚。有。經。世。理。物。之。才。不。得。不。暫。移。
股。肱。耳。目。為。民。閒。調。燮。元。氣。公。之。行。也。正。已。率。屬。以。

匹。夫。納。溝。為。已。任。有。體。有。用。不。隨。不。激。展。布。歲。月。之。
閒。當。必。大。有。可。觀。者。余。與。公。雲。泥。迴。隔。而。所。學。同。師。
亦。有。榮。辱。相。關。之。誼。不。自。覺。舉。手。加。額。為。吾。道。幸。也。
抑。吾。聞。西。江。多。君。子。鹿。洞。遺。風。於。今。猶。昨。公。得。無。有。
儀。封。師。之。志。乎。振。興。絕。學。長。育。人。材。所。以。報。
聖。天。子。知。遇。為。百。年。民。生。國。計。造。無。疆。之。休。豈。區。區。
目。前。云。爾。哉。於。其。行。書。以。送。之。

提出絕學為師門張幟瀝膽披肝掃盡腐詞其氣
味之醇古固應求之秦漢之閒



送勞尊三令昭文序

吾友漢陽勞尊三以詩若文雄江漢壯歲捷南宮或
尼之因困滯未得行所志乙巳秋中

天子以江南財賦重地新析蘇松閔十三邑政繁局
創非才長行卓不足以勝厥任於是宰相薦其能而
尊三得昭文以去昭文距姑蘇未百里分常熟故邑
之半似無難治然歲徵租賦較貴州一省尚加其倍
有奇草昧初開百務創始一日精神當周數世以後
為之亦良難矣且邑令者民之父母也父母於子養


之教之。燠寒疾苦。事事關心。豈徒催科云爾哉。然江南所重。首在催科。晝夜敲扑。號呼達旦。歲未能完十之六七。雖有卓魯。不暇煖席。此其閒豈盡民頑。亦為之未得其道也。余聞江南之弊。惟在冊籍不清。戶無微賦之。法首在清冊。真名。畝無真額。其民亦無真欠。或田已鬻十數手。而額糧尚留本戶。為找價勒贖之基。收糧經手。侵漁之地。或細民畏官吏苛擾。以糧畝附豪強戶內者。有之。又有包攬代兌之弊。吏胥役隸。欺隱之奸。輸糧者一人。乾沒者數手。此之為害。不可紀極。而刑杖重。輕民

役不同。以役答役。百千不癢。官有敲扑之名。役有為洞悉疾苦言之心刺。民受責之功。民又有出錢為役。養板之困。於國計毫無裨益也。以君聰察。必能灼知利病。澣洗舊習。與之更新。昭之民。其有厚幸乎。愚謂他務未遑。必先為良法。以清其冊籍。使人有真名。名下之糧。有真額。然後可按籍而稽完者。真完。欠者。真欠。為良法。以催其輸納。去包收代兌。欺隱之弊。尋常比較。敲扑一槩。勿施施。則必使之畏。使之服。使役與民俱不敢犯。而後刑不濫。而法必行。而又以時巡行阡陌。與老農課晴論

雨問苦樂勸耕桑作興學校萃文章經濟之才爲書
院以教育之沙汰僧尼使消怨曠旌賞孝弟義烈存
卹孤寡搏擊豪強使民醇厚案無停牘訟無久累訟
師蠹盜盡法鋤除而又教民齊家使風化起于閨門
務在江南尤爲切要一變其入寺燒香出郊嬉遊之故習余今贈君以女
學一書君其爲我播而行諸否訓方型俗良有司之
事也爲民父母子女皆當教誨君無以余言爲迂也
君才具有餘牛刀割雞無足措置多謀而兼以能斷
論慎重而濟以剛果他日宰天下亦若是焉已矣君必

大有以報

天子宰相之知非鄙人所能測識顧余猶不揣妄昧
以區區芻蕘進者朋友責善之道不以臨歧別緒浮
詞贊頌爲長諒泰山河海不以土壤細流而厭之
指陳弊竇剴切淋漓藹然仁人君子之心流露於
筆墨之間是真以天下爲己任者也



請脩補普寧形勝序

從來氣運之盛起于人心。文物之興由乎衆志。故漶鬱將開必有人焉起而振之。譬如燎原之火有鑽其燧而爲星星之然者。然後焚山烈澤光輝照乎四國。是知事無大小爲之則成欲之即至。人心之專一即爲造化之感通。未有能限之者也。古稱人傑地靈。謂地靈可挺人傑之生。亦人傑能補地靈之闕。二者相因。詎可以人事不脩而徒咎山川於造物哉。普邑山川秀美。土田沃衍。雖彈丸蕞爾。可云樂郊而文物未

興大雅弗作無論仔有道統經天緯地之儒吾不得
而見即文章科名尋常泮壁之士亦寥寥晨星不及
他邑一村落焉建邦啓上數百年無有留心及此一
從而振興之者良可嘆也論者惑於青烏家之說謂
異地文峯弗起溪水來短去長河隍焦乾地理淺薄
永無文物之望余曰噫此可以人力補之耳因相度
形勢邑東郊崑安寨居異方小山隱伏奇石虎踞古
爲文昌祠故址今祠移邑中可建文明閣於上昂凌
霄漢以當文峯中祀濂洛關閩五先生旁設學舍百


十楹爲普邑人士讀書講學之所榜曰文明書院人
事與天工並至則文物之根源也水口石潭山亦爲
異地建急水塔山巔作中流底柱使河行停蓄不患
去長又有文峯插天之勢命其名曰文峯塔以明余
之所建特取聳秀壯觀與迷惑于浮屠邪說者不同
也學宮之前舊有泮水宜清潔今沙淤爲陸當疏濬
之凡城中大小溝渠城外環繞濠水一槩開通使舟
楫可行如人身臟腑通達脉絡分明血氣周流無所
滯礙則四體自然堅強百役自然從令蓋有諸中者

不待外求。環城皆水。又不患其來之短也。余泣茲日。淺越俎。潮陽屈指一歲之中。治普纔兩月耳。荏苒既。清雀角亦馴。此此言普地之從善甚易一變至道之鄉。余固樂其民風之質也。潮之文物。視茲百倍。余治潮之苦。亦視茲百倍。而功利夸詐。不可救藥。竭晝夜鋤荆剪棘。明先王之道。以道之尚未能一變至魯。余於是亦遂忘其為普之。余几普事。弗遑經畫。非獨于潮厚。而于普薄也。幸年歲豐登。萬井盈寧。余得偷潮冗之閑。為吾普培禮教。信義之俗。欲與普士興正學。必先為普人壯志氣。峯

高水深。地理淺薄之患。吾知免夫。余於潮有棉陽書院。於普豈可無文明書院。祀濂洛關閩諸儒。讀濂洛關閩之書。人人有為聖為賢之志。他日英才濟濟。詩書禮樂。直紹魯鄒。而文章科名之號。為文物。又其所操券而藐焉小者也。但土木之興。工程浩大。濬河築塔。建高閣。而開書院。自笑清俸無幾。未免有奮力負山之虞。承起處衆志作收蘧伯玉恥獨為君子。余敢不與斯邑搢紳先生好義樂施諸人士共之。語云。衆擎者易舉。集狐成裘。積篲成山。諒諸君必有同志。不待余之贅也。姑弁

數言以當暮鼓

就地理人事相關之處剴切言之拳拳愛士之衷
益於行墨之表此直補天手段非止因地制宜也



重建茗南書院釀金小序

漳之有茗南書院為吾師心齋沈公生祠師來視學

既明且清為有閩學使第一文章意氣入于有來歷人者深

矣書院舊在西河登仙宮側頗簡陋十餘年來吾黨

怒焉乙未冬十月更卜地龍門山奇特爽朗怪石嶙

峴可愛甘棠蔽芾其間有合周人思召公之義念曰

吉問其主則吳及蔡若黃若潘若劉五姓六七家之

所寶而弗售者也聞欲建沈公祠六七家者皆欣然

願各廉其直遂購之鳩工庀材版築丁丁中堂輪奐

成且有日。而堂之前後。舊屋宜清。新楹宜構。俱有待
 經營焉。門徑遂然。又廣大可容駟。宜建築西南。學舍
 七八間。宜葺治山之上。議建清風亭。古樹森陰。鳴聲
 聒耳。綠野清溪。繚繞城下。為郡中第一名勝。宜揀度
 規模已定。需費浩繁。集腋而裘。是誰之責。與吳蔡諸
 君聞風者。高義且爾。況在吾黨。其又何說之辭。敢請
 同志共襄盛舉。勿以貧富較量。各盡心力。拮据使苦
 南勝蹟。與紫陽鹿洞並垂不朽。龍門之山。聲價十倍
 矣。

簡貴質實情深而文明

方輿小序

有邦國必有圖籍。自古為然。蓋方域之廣。蒼黔之衆。
 敷治者不能躬自遍歷也。因為圖若書以統貫而條
 理之。不出戶庭。周知天下之故。大政遠猷。皆從此出。
 是以周禮大司徒掌以職方。而聖人見負版者。式之
 重矣。後世所謂圖山水畫卷耳。望之蔚然可觀。按其
 東西南北。且有十九不合者。即位置不甚刺謬。而圖
 固不能言也。代之言者。率又得先掠影語焉不詳。求
 其談之歷歷如聚米畫沙。可按而行。渺未之見也。潮


郡嶺表名藩屬縣十有一煌煌非疆較虞周大國不知幾倍大山大海幅員雄壯播之輿圖上登天府詎徒爲美觀哉將於此求治道焉疆啓自漢歲閱二千兵燹既多滄桑屢易經之營之有居重馭輕之要有控制調劑補偏持敝之宜必待脂車秣馬跋履山川而後議鞏磐石將不勝其勞矣茲編方輿具有苦心披閱之下十一邑提封形勝阨塞險易苞桑戶牖瞭然心目之間必如此乃爲獨絕所謂指諸掌者乎一方清晏百代治安按籍而定焉可也志方輿

歷來志乘地圖不過粗具山水面目未有講究精詳卽于此中求治道者聚米畫沙可按而行非有大經濟人不能道出隻字鹿洲滿懷蒼赤所至以經綸爲已任寓目留心乃能言之歷歷卽一圖一說不肯輕易放過真經世之才也

城池小序

冠○冕○正○大○不○同 鉉○鉉○凡○響○

有○城○有○池○國○體○也○鑿○斯○築○斯○王○政○也○若○曰○徒○以○固○圍○
則○時○際○隆○平○夜○靡○不○閑○安○事○此○乎○然○設○險○以○守○大○易○
垂○象○原○為○太○平○無○事○者○言○之○春○秋○以○莒○為○戒○惡○弛○備○
也○潮○郡○故○皆○石○城○濠○流○環○繞○金○湯○壯○矣○都○村○碁○佈○擁○
衛○如○雲○既○泱○泱○乎○表○海○亦○惟○勤○脩○時○政○使○地○利○與○人○
和○並○興○庶○於○國○體○有○合○焉○志○城○池○
簡○貴○尚○老○不○支○不○蔓○文○之○有○體○要○者○



兵事小序

地勢使然

潮郡山深海闊宵小易於出沒依古以來兵事多矣
 舊志謂山魘易撲海寇難靖蓋有鑒于當時鄭氏父
 子祖孫竊踞臺灣蹂躪邊疆故為是懲羹吹虀之言
 耳山藪腹心重地脫有莽伏詎可以為易而忽之善
 用兵者先治內而後治外使吾民安業樂生尊君親
 上峒崖樵牧含鼓嬉遊雖有海上遊魂寧敢窺吾圉
 哉況今萬里波澄島彝效順宄孽絕踪向之翻濤破
 浪為我民憂轉而百貨流通為我民利斯亦千百年

來僅觀之隆平也。民生不見兵革守土將怠而驕前。
曰其知道乎。車之覆後車之鑒因縷述寇變捷伐諸事使凡百君子觸目儆心咸知制治保邦當有憂盛危明之意焉。戒衣衾籌未雨非曰迂遠而不切於事情也志兵事老成謀國慮遠思深如見元端象簡丁寧告誡氣象。

人物小序

潮郡山高海闊幽奇雄壯磅礴鬱積之氣鍾為偉人為傑士固其宜也。昌黎過化天水奮興而後。
趙德海陽人韓愈刺

潮州襟攝海陽尉為衙推官勾當州學時稱天水先生

文章行誼星炳雲燦蒸蒸然盛矣

聖朝教養百年君父求賢若渴誘掖獎勸造就多方

雖木石猶將鼓舞況具有血氣心知之性而誦法聖

賢者乎官無論大小在忠者貴人無論窮達砥行者

傳讀斯編者頑廉懦立思欲為邦國增光駕古人而

上之鄉士大夫之責也樹之風聲激厲培植使成人

有德小子責司牧有造地方司牧之事也匪誇既盛用勵將
來志人物

一片激勵培植造就人才苦衷隨感而發大有玉
振金聲風光月霽氣象

孝義小序

孝庸德也。義者宜也。人無此二者。吾以毛角目之矣。
尚儼然命為人物哉。人物有志。孝義該焉。何事多為。
差等乎。曰。然。何以處夫山農閭巷。日不辨之。無未得。
躋人物之數者。孝為百行之原。推其極。可以格天地。
治神明。馴致乎篤恭。而天下平之盛。故聖人以是為
德之本也。教之所由生也。雖以堯舜之道。不過孝弟
而已。若非其義也。一介不以取諸人。千駟萬鍾。視同
桴鼓。至于急病讓夷。敦解推之。誼事關家國。頂踵可

捐詎得以韋布少之孝義之于人大矣哉潮雖僻處
嶺嶠而雞豚旨甘割股廬墓人有同情或貲財可共
或忍飢不食非義之食或出入萬死一生救全城旦
夕之命固亦卓卓犖犖不應與草木同朽者潮之孝
義大槩可觀矣沐浴聖化日漸日深將見孝里義門
遍鄉村而皆是太和洋溢於變時雍安能量其所屆
乎志孝義

春容問雅有佩玉鳴珂之度

流寓小序

名賢所至山川生色瞻手采者如快覩景星鳳凰雖
世遠年湮猶將侈為勝事焉潮處嶺外蠻烟瘴雨之
區自古以為罪臣投荒之地氣運日昌化草昧而開
文物海濱鄒魯錦繡江山駸駸乎與上國爭瑰麗由
是偉人君子無不來遊來歌以擴其胸中幽奇曠朗
鬱積雄浩之氣而寓公輪棹踵相接矣其以譴謫至
者若常袞李德裕趙鼎等十數公既以廢置諸賢附
於名宦之後居官無慚于君國雖竄謫猶陞遷也今

茲所紀皆屬遠遊亦有貞臣烈士崎嶇于風濤崖谷
之間○文○陸○諸○公○揭○兵集旅究同傳舍則皆得以寓賢列之嗚呼
乾坤正氣蔚為正人在一鄉○道○鐸○提○擲○深○切○著○明○一國則為鄉國之光足
跡徧天下天下人皆欲私而有之若蔡京秦檜子孫
且不以為祖況他邦逆旅車轍塵離之汚人乎讀是
編者流芳百世之心勃然興矣志流寓
此等文字直是景星鳳凰能使見者頑廉懦立人
人起流芳百世之思有功世道不小

風俗小序

千古治化全在風俗故觀於鄉而知王道時雍風動
則為唐虞澆薄囂凌則為季世唐虞叔季豈以古今
論哉○之○論○風俗異也潮自昌黎謫守是邦士篤文行民稱
易使海濱鄒魯可謂隆矣○光○怪○陸○離○人○情○曲○盡○予有餘載時異世殊流風
日下習俗因之忽變忽跖亦儒亦釋强悍恣淫功利
夸詐兼而有之隸卒齊於搢紳逐末多於務本鄒魯
之風遐哉替焉幸賴我
皇諄諄教化

聖諭廣訓月吉宣傳陬滄窮鄉聞道鐸而蒸蒸興起一
變至魯一變至道於以幾于時雍風動何難乎夫奢
示儉儉示禮風行草偃端屬荷人承流宣化之君子
○禮○切○流○擊○精神命脉不可一日不在於斯也志風俗
樸茂宏深且有偉氣

物產小序

周官職方氏掌天下之地。九穀六畜有別管仲相齊。
以五施別五土。蓋盡地利窮物宜以導民樹藝而安。
居。後此經天下者皆勤勤于物產為萬姓阜財求而
利器用焉。五方風氣不同所產亦異。潮處南服霜雪
罕到。四時皆春。草木敷榮禾種山巔者有之。蔬果之
類出非其時。海錯繁多。雖更僕未可悉數也。若夫瑰
寶奇珍來自南交外域於潮何有焉。書曰不貴異物
賤用物民乃足。又曰惟土物愛厥心。臧因所利而利。

之重物力以淳民風則樂業安生飛潛動植之間皆老到有王道志物產

簡淨得體無一毫雜霸氣習

古蹟小序

探奇問勝懷古情深非陳跡之可傳亦地以人重也珠潮處天涯未覩三代之車轍既不得與魯衛齊秦並誇聖賢芳躅然而一隅之地亦有名區昌黎之鄉校雖湮紫陽之遺踪尚在聞其風者猶將頑廉懦立矧氣味沈厚身履其境而低回憑眺乎忠臣孝子名流領彥撮土片石皆足動後人觀感之思其蹟存即其人存也不然瓊枝玉樹金谷瑤臺亦等諸荒烟蔓草已耳君子通篇主意在此觀古人遺蹟當思為其可傳者夫志古蹟

此竹數尺而有千仞之勢可以移贈此文

居沙老集卷二

三

雜記小序

志以雜名紀軼事爾譬諸曆此其閏也方諸易此其
 雜卦也搜羅今古凡書不盡言言不盡傳耳目所未
 經意想所不到者一雜也苟可以擴心胸資談助無
 論洪纖曠渺胥為錯綜以出之要主意在此不使離經畔道以
 新奇而或失其正焉倘一言一行有裨彝教則以天
 球大訓目之矣齊諧可志是聖學王道不為無用之談常存子不語怪之心經正
 民興斯無邪慝可曰寓言無關於世道乎志雜記
 一片維持世道保心念念不忘雖纖毫不肯放過

鹿州初集卷六序

子


文之最有關係者

藝文小序

道。之。顯。者。謂。之。文。子。瞻。言。為。文。必。與。道。俱。朱。子。非。之。
 謂。其。視。文。與。道。二。也。後。世。以。學。文。學。道。為。兩。途。如。冰。
 炭。之。不。相。入。雕。琢。辭。華。鏤。金。錯。采。靡。然。于。倫。理。經。術。
 之。外。而。命。之。曰。文。自。以。為。登。韓。柳。之。堂。排。歐。蘇。之。闥。
 矣。或。撫。古。字。使。人。難。識。掇。拾。梵。音。矜。心。高。妙。由。君。子。
 觀。之。曾。涕。唾。之。不。若。耳。潮。中。文。學。有。昌。黎。為。開。風。氣。
 自。是。名。賢。接踵。極。嶺。外。文。章。之。盛。輓。近。學。者。多。規。撫。
 六。朝。排。砌。瑰。麗。振。秀。揚。華。人。人。家。有。千。里。焉。若。夫。經。

世○理○物○發○揮○至○道○有○益○于○天○下○國○家○身○心○性○命○之○文○
必○知○此○乃○為○有○用
 與○夫○起○衰○式○靡○古○雅○高○清○之○韻○海○潮○雄○浩○之○觀○則○所○
一○片○熱○腸
 望○于○此○邦○作○者○匪○細○也○腐○生○災○石○頌○德○稱○功○市○儉○操○
 觚○巧○羹○謝○炙○及○無○關○潮○地○風○土○民○物○者○雖○佳○不○錄○其○
 在○舊○志○所○存○則○亦○未○遑○淘○汰○諒○有○心○日○當○能○辯○之○志○
 藝○文○

以○學○文○學○道○為○兩○途○雖○最○高○明○者○亦○坐○此○病○不○知○
 文○以○載○道○道○外○無○文○豈○有○可○分○而○二○之○理○學○者○作○
 文○時○但○肯○思○為○有○用○必○裨○益○于○天○下○國○家○身○心○性○
 命○此○外○不○浪○費○筆○墨○則○不○求○道○而○道○存○矣



鹿洲初集卷七

漳浦藍鼎元玉霖著

衡山曠敏本魯之評

傳

寒支先生傳

先生李姓。勝國諸生也。寧化泉上里人。名世熊。字元仲。自號曰寒支子。少豪宕。不羈視天下人。讀書無足當意者。自經史子集。以及秦漢唐宋近代百家。靡所

鹿洲初集卷七傳

不覽獨好韓非屈原韓愈之書故其為文沉深峭刻

雄偉淒麗奧博離奇如悲如憤如哭如笑如寒泉烈

日如暴風雷雨雖非盛世和平之音蓋自稱其所遇

也時當天啓崇貞間金甌未缺若預知有甲申以後

事者每論古今興亡儒生出處及江南北利害備兵

屯田水利諸大要未嘗不慷慨歎歎倦倦有所屬望

奈數奇困頓諸生九試冠同列典闈聞者莫不欲一

物色李生為重竟不可得大清定鼎閩中尚擁唐

王未歸命故大學士黃道周何楷並薦寒支尚志博

學徵拜翰林博士高見辭不赴反復上書與道周悲憤時

事及道周死義走福州請褒卹時問其孤孀存沒廬

舍完燬輒嗚咽不置丁亥多情王師入閩序應歲貢辭

自是杜門絕迹城市有齟齬於郡帥者帥遣某生移

書逼入郡寒支復之曰天下人平情之論無官者十九豈盡高

士來書謂不出山慮有不測之禍夫死生有命寧遂

懸於要津且余年四十八矣諸葛瘁躬之日僅少一

年文山盡節之辰已多一歲何能抑情違性重取羞

辱哉時蜚語騰沸勢洶洶不測寒支矢死不為動疑

誇亦釋寒支既以文章氣節著一時名聲大震辛卯

壬辰間建昌潰賊黃希孕剽掠過泉上里有卒摘寒

支園中二橘希孕立鞭之駐馬園側視卒盡過乃行

粵寇至燔民屋火及寒支園其魁劉大勝遣卒撲救

曰奈何壞李公居室是時天下人雖盜賊亦知有寒

支矣寒支積有壘砮於胷中每放浪山水以寫其牢

騷不平之概當詣西江泛彭蠡登廬山絕頂追維闖

獻橫行事痛悼欲絕淚下如泉湧不能禁也乙卯耿

精忠反遣偽使敦聘絡繹踵門寒支嚴拒之自春徂

冬堅卧不起乃得免寒支自甲申以後山居四十餘

年鄉人宗之有為不善者曰無使李公知也晚號媿

菴顏其齋曰但月所著寒支集寧化縣志錢神志史

感物感本行錄經正錄各若干卷年八十五以疾卒

於家

論曰余聞先生少時嘗單車走泉州出安海潛觀鄭

芝龍其意念深矣及唐王據閩明數已終日月出矣

燭火不容於不息宜先生之不應聘也使先生早年

得志癸未甲申間必有可觀者一腔熱血付之清冷

看○明○室○有○匡○扶○否○氣○脉○盡○否○

不能匡扶亦必殉節

之鄉悲夫文章如韓心事如屈志節之清高與管幼安伯仲矣

寒支勝朝遺士目覩闖獻交馳京師盜覆不能不盡然傷心其不應唐藩之聘是知明數已終天命有在不復為無益之跋涉亦識時務者也至不從耿逆則稍有人心者能之豈足為寒支異乎竊怪懷宗末造需才孔亟如此人而棄置草莽亦獨何哉

黃太常傳

黃太常名性震字元起號靜菴福建漳浦人也家貧年十二怙恃皆見背榮榮拮据從父子完以佃僮不羈奇之取史傳古文命讀一日數行皆不忘遭時莽伏變起四鄰黃族多遇害幾不免者數四幸得脫自信為天所生必有所用之也客遊三山靡有合困窮益甚然不肯作受憐意人莫能測其淺深慨然嘆曰丈夫生際擾攘當以盤錯顯利器但世無常何孰識馬周吾長此落落乎歲丁巳閩督姚啓聖入漳籌海

時軍興旁午才略之士多欲出見所長又聞啓聖虛
 心求賢可與共事於是仗策軍門進平海條陳十便
 啓聖奇之與語大悅恨相見之晚每引入卧内談機
 密促膝借箸至夜分乃出凡練兵遣將用間用奇剿
 撫機宜無不竭謀盡智動輒有功其出龍虎山復長
 泰縣奪江東橋小港洲水晶坪諸處招撫五大鎮皆
 出區畫啓聖上其功廷議以同知用奉○省○筆○旨從優議
 叙加僉事道感激知遇益思報稱念敵勢蟠結浩大
 非離散其黨羽陰亂其腹心未易猝圖請建立修來

館○得○算○以收納歸誠將士來降者無真偽胥善待之夏屋
 美衣車馬僕從炫耀街衢由是海上諸黨多潛來歸
 順具白啓聖分別授以官可用者竟實用之至者如
 歸皆大喜過望得海上閒謀悉不殺厚賜之恣其往
 來○妙○用○卽用以偵海上事凡敵人舉動罔不知者視島中
 良將及所信任腹心有才幹智謀者或大書其官爵
 姓氏標之公館飭備供應偵者○此○着○太○狠○了○然○功○成○之○速○却○在○此○以爲實然輒陰報海
 上疑而殺之由是賊人自相疑貳來歸者日益衆一
 鼓而平十九寨復海澄克廈門金門將帥有利剿者

性震密白啓聖禁戢安民全活數十萬衆捷聞優叙
軍功三十二級加正一品壬戌授北直霸昌道建義
學立義塚治悍鷲旗下以響馬賊爲害莫知踪跡密
謀隸役中可任者二人陽以法斥去之俾充賊黨因
得悉知賊姓名及其居處出沒以次執縛械送刑部
咸寘法政聲大震車駕幸密雲召見褒嘉賜蟒
袍宮紵寵異之尋擢廣西提刑按察使於署側設省
刑所二鍋竈器皿薪米被帳皆備解差犯証至者寢
食其中按名分給訊結卽去沈寃滯獄多所平反有

崔玉枝一案牽累多人皆久定大辟察其可哀矜者
覆訊得實力請廣督吳興祚具疏開釋賴以全活者
數百人累累盈庭爲具酒食給衣服賞資還家一時
呼天動地以爲于定國張釋之復見也計典入覲
上粵西瘴癘一疏俞旨嘉納未幾遷湖南布政使
清革陋規剔包收詭寄諸弊詢民疾苦用緩咸宜憫
長沙郡河洶湧商艘屢淹相度地勢別開一河于側
使得安泊楚人以爲百世之利云武昌夏逢龍作亂
變起倉卒陷沒四郡人情洶洶廷臣以湖南爲慮

上曰有黃性震在無虞彼佐平六十年海氛何況于此果胸有成算知草寇無能為晏然如故不數月而賊徒殲滅更修葺書院給中廟而指揮之作興士類正已率屬撫安窮黎瀟湘雲夢間頌聲洋溢翕然稱善治焉辛未春得嘔血疾遂以病乞休優游林下漳浦學宮歲久將傾圮重修文廟明倫堂輪奐聿新置義學田租為邑士科舉公車之費復建文昌祠敬一亭修梁山鍾秀坊濬泮池傅公河浦自前明以來人文甲于漳郡形家謂雙溪二壩收礮山梁山諸水朝宗城下富庶莫京

後以年久壩壞二水背流氣運稍減今欲興復其故需費二千餘金僉謂非常工役非黃公莫能舉此則毅然起而肩之獨力填築疏通內河俾諸水仍舊朝宗邑士大夫高其義鐫石學宮誌之家居故在湖西先世所聚族者兵燹後晨星散處一望蒼涼每潛然希又心裏淚下有敦族立宗之志顧謂所親曰倘得一命之榮施及三黨是余願也甲子司臬粵西遣族子太學生賜旋家董其事鳩工庀石築土堡為藩籬俾族眾咸有寧居中立大宗廟以示報本次立小宗廟聯五服

之親各置祀田租千餘石以供烝嘗立義塾令闔族
讀書其中置書田租四百石為膳脩膏火之資復置
義田租八百石以贍族中冠婚喪祭孤寡貧窮無告
者仲兄都司僉書性昂遠居蜀沒已久遣人挈其家
扶櫬歸葬功兄太學生性祥久居粵亦為挈家旋里
授宅分產兄沒為置祀田凡羣從兄弟之子皆視若
已子婚娶田宅次第均分五服皆有分產多寡以服
制為定居鄉由由弗與人爭角即有犯者亦不校嘗
曰君子與小人校不惟不能勝亦不可勝雖勝亦非

也甘淡泊食無重味與鄉士大夫立敬簡堂公約以
尚淳風時率園夫灌花蒔竹自鋤採以為娛每逢勝
景偕好友三五輩出郭遨遊芒鞋竹杖談詩對奕有
洛社耆英之致已卯冬召督永定河至京師奏對
暢春苑荷溫綸總理錢糧工料事務河中要地在
清涼寺口舊為沸水衝陷深幾二丈許興工之日以
天子命為文禱告河神次日沙淤數尺不五日衝塌
悉平渾河性多不測洶湧恣肆堤幾潰者再三躬督
視防護朝服屹立無所畏狂瀾卒安人皆以為異河

道長數百里為設五里一旗一砲旗書督工官姓名以專責成有急則施火砲便于聞聲馳赴沿河安置物料省臨時搬運之費日夜奔走勞勩衝冒風雪廢寢食舊疾間作從子尚錦從旁寬慰曰憊矣稍休息焉瞪目視之曰不強不遠不勞無功任君國事即委致其身也庸知勞乎不四閱月大工告竣車駕臨幸放水一日召見五次慰勞殷渥未幾遷太常寺卿辛巳冬卒年六十五生平好善出於天性屬吏搢紳有文學皆隆禮待之尤好扶植單寒海寧學士查

此是實錄

昇未遇時一見如舊相識不惜千金資其成立四方名士登門締交或延為諸子師束脯至以千計如江南進士黃暉烈陶自悅福州翰林嚴宗溥皆所羅禮以訓蒙者時人服其藻鑑立之日士無論知與不知莫不咨嗟嘆悼謂斯人不可復得云

論曰世無常何孰識馬周豪傑所扼腕也當其遇知已奮風雲不五年遂臻方伯雖馬周知遇亦何以過於斯鄭氏父子祖孫竊居海上者數世地利人和未易猝拔所以離散其手足撓亂其腹心啓聖力也啓

聖得力專在修來一館。司館者之功不待問矣。運籌
決策。績在封疆。敷政宜民。聲施金石。至其宗族鄉黨
之間。仁深義篤。直與范氏希文。頡頏千古。豈馬周僅
購。住宅所敢望哉。士大夫履豐席厚。如斯人者。不
試以斯人自比。擬吾不知其何如也。

排宕激昂沛然若江河之莫禦也。當是蘇長公得
意文字

月湖先生傳

先生姓陳名汝咸字莘學號悔廬浙江鄞縣人居
月湖之濱學者因以名之也父錫嘏舉乙卯鄉薦第
一丙辰進士官翰林編脩有文名先生幼聰敏日讀
書徑寸年十四通十三經廿一史諸子百家里中前
輩以神童目之二十一登戊午賢書辛未魁禮闈選
翰林庶吉士丙子夏出宰漳浦浦故閩南劇邑也多
詞訟丁糧版籍歲久混淆胥役因緣為奸弊官民胥
困焉先生正已率物勸民親遜設紙皂懲訟師聽斷

明決莫之能欺。由是公庭肅然。念先○生○心○血○在○此○編審為賦役大政。非精詳整頓。不能使宿弊一清。日夜焦心勞思。躬自核算。統糧均戶。人丁各歸現在之籍。令民自具親供實計。丁口產業。自立徵戶。自封投納。除戶長承管之弊。歲省民二千餘金。均保甲清屯糧。併寺畝除根。租行滾單之法。使糧戶自相催納。不用畧差。方舉行時。豪強不便。吏胥陰撓。至上官亦為搖惑。勸以勿事紛更。先生毅然不可回條。分縷析三年而法立。弊竇悉除。差役袖手。胥吏無所施其技。民歡樂稱便。鼓舞輸

將秋冬之交。歲賦全完。罔有絲毫逋負者。濱海習俗。輕生。諍語小故。輒服斷腸草。自盡圖賴。先生力懲其弊。令當刑者掘草根贖罪。或出俸錢以市積堂下燬之。革相驗花紅夫役飯食不避臭腐。周屍上下反覆諦視。以手指按。雖精○細○作謝弗及也。邑多山。虎白晝常出攫人。捐貲令鄉民多設虎牢。復募善射者。伏強弩毒矢。要之潔誠齋戒。牒城隍默相驅除。自是虎悉入牢。又多為毒矢所殪。值歲旱。朝夕步禱。夜宿壇。登梁山絕頂。觸龍湫。備歷崔嵬。紳士行四五十里。多不能

從先生葛袍芒屨不辭勞瘁甫下山而靈雨四郊霏
足人以為精誠所感云丁亥夏靈雨溪流驟漲高及
雉堞南郊廬舍為巨浸民皆升屋而號先生力疾登
城樓輿錢數十緡募船拯救又多為木筏懸賞格每
渡一人給錢三十諸生蔡衍銳黃尚柔皆輿錢以助
男婦老幼蟻附登城者數千人分糜粥飼之次日復
賑以米多方撫恤故民雖災而不害與文教設義學
在邑中者一在雲霄銅山杜濤者三延諸生有學行
者為之師月於初三十八日會邑中士大夫及鄉之

俊彥如見鹿洞規模集明倫堂講經史性理諸書繭絲牛毛終日論
辯酬答娓娓無倦朔望日課時文二詩古文各一浦
人士濟濟奮興文章經濟與海內相角先生之教也
大修文廟造祭器樂器俎豆鐘鼓煥然一新雲霄銅
山向皆有朱子祠祀典久廢先生以漁船二十戶暨
公溪泥泊稅羨充祭祀及諸生鄉試之資東郊明誠
書院故黃石齋先生講學之所禿廝寄寓漸忘其故
幾為浮屠窟宅先生撤佛像盡逐僧徒以黃氏子孫
主之浦故有教堂四所男女羣聚茹蔬禮佛名曰無

爲教先生籍其居爲公所爲育嬰堂西洋天主教流
毒至浦將開堂以惑四方之人士先生峻拒之無敢
容納有西洋人奉欽差道經浦邑以好言浼先生
繼以威挾先生弗顧屬諸上官爲先生言先生仍弗
顧也城東嶽廟廊廡立功曹祠旁有鬼卒能作祟
邑人無識者香燭酒牲晝夜不絕先生命毀其像隸
役皆悚惕不敢前先生怒令鞭而碎之村民信巫禱
病者輒舁土木神鳴鑼擊鼓採藥以療先生亦厲禁
之有奸匪百餘人潛伏七星洞招黨入海發兵追捕

遁聚丹竈山掩擊之走平和山中有翰濟豎旗集衆謀再至
浦先生遣鄉長黃利見密致賊黨林大札啖以重利
誘擒巨魁曾睦及其從蔣卿江貴等奸徒悉散復獲
海賊徐容等十餘人搜所剽掠白金二千八百八十
兩珍珠四十六顆瑪瑙二顆綺紵羅紗千餘疋洋蠟
洋簪盃等之類不可勝數始知海上巨賊有仁義禮
智信興六號徐容卽信字號賊首也細詢行踪直陳
不諱併賊中情形作何剽撫機宜言之甚悉先生以
所獲金帛悉歸藩庫因條陳撫捕以靖海氛利商舶

請○赦○徐○容○以○致○其○餘○黨○未○幾○當○宁○遣○大○臣○巡○海○招
撫○諸○賊○皆○歸○誠○惟○禮○字○號○賊○目○尚○作○海○上○遊○魂○耳○南
靖○宵○小○恣○肆○督○撫○大○吏○僉○謂○非○先○生○莫○能○了○此○交○章
調○宰○南○靖○浦○人○相○率○赴○會○城○籲○留○不○可○歸○取○田○器○塞
縣○門○晝○夜○環○守○久○之○行○有○日○矣○民○扶○老○攜○幼○數○萬○塞
街○巷○環○跪○泣○曰○公○毋○去○活○我○百○姓○擁○肩○輿○不○得○行○先
生○下○輿○步○入○李○太○學○家○夜○半○假○城○守○二○騎○作○巡○邏○者
閒○道○從○北○門○逸○去○士○民○追○思○不○已○卽○於○北○門○構○月○湖
遺○愛○與○他○人○答○應○故○事○者○不○同
書○院○塑○先○生○像○其○中○歲○時○瞻○拜○靖○邑○積○年○逋○寇○多○伏

深○山○旋○剿○旋○聚○或○始○撫○而○復○跳○梁○聞○先○生○至○相○謂○曰
此○漳○浦○陳○公○十○三○年○矣○善○治○盜○我○等○出○沒○彼○皆○知○之
將○安○所○逃○顧○其○人○長○者○能○自○詣○歸○誠○必○無○患○也○於○是
前○後○數○月○悉○受○撫○先○生○開○示○威○信○皆○革○面○終○不○爲○盜
頌○聲○大○作○已○丑○內○召○庚○寅○補○刑○曹○主○事○辛○卯○擢○廣○西
道○監○察○御○史○巡○視○西○城○疏○陳○臺○灣○事○宜○及○更○定○命○案
條○例○旨○嘉○納○之○除○西○門○外○白○蓮○教○訪○私○雕○假○印○偽
造○貢○監○昭○劄○者○徐○德○李○傅○雲○生○等○二○十○四○人○皆○執○赴
刑○部○置○之○法○壬○辰○秋○七○月○聞○海○賊○焚○燒○營○汛○舟○楫○因

之熱河行宮上防海事宜一疏蓋先生在閩日久熟
 悉海上情形又以商船被劫多由沿邊掛號水路屈
 曲礁嶼錯雜賊船遂得截劫于必經之地而當事皆
 以掛號稽查為良策商民苦不能自達先生至良始
 痛切言之沿海數省利賴焉是日在熱河復陳弭盜
 事宜一疏 旨皆嘉納 賜克食鹿條魚脯小菜慰
 勞之是冬海賊陳尚義遣周錦赴兵部求撫先生謂
 尚義必係禮字號賊日陳老大當年海賊徐容稱此
 賊久在海上肆劫今就其求撫請率舉人候選知縣

阮蔡文千總王三駱南左其彪等往鐵山鳳城島入
 海撫之 諭旨慰勞以風濤不測但駐鳳城着蔡文
 等坐船前往不必親自下海復以兵部郎中雅奇為
 副未幾颶風大作駱南等船飄失無踪蔡文一船飄
 折大桅先生馳至天橋廠遣舟往會文南等俱至盡
 山花鳥遇陳尚義并其黨百餘人皆招致詣京師明
 年春正月擢通政司右叅議尋遷左叅議夏奉使入
 楚祭炎帝臣農帝舜有虞氏陵及頒賞楚省綠旗兵
 丁先生自襄行糧不擾地方官一絲一粟之境即頒


賞資不忍多擾驛通隨至隨行湖南山川險峻或請
 僻遠營汛可調官代領給發先生艱然曰王命屬
 我何敢憚勞披星蒙霧即峭壁危崖馬不容騎輿不
 容肩者亦必捫蘿附葛徒步而行且遍訪紅苗窟穴
 情景利弊以籌撫又久安之計祭二陵皆竭誠盡敬
 見虞帝寢廟傾圮捐貲屬令脩葺陵逼諸猺崗崗長
 率男婦百餘人拜謁男帕其首擊長腰鼓吹笙鳴嗚
 舞跳而導婦女辮髮纏三小竹于髮為椽繡紅絨布
 覆其上連袂而歌為靡曼聲譯其語乃蜜蜂飛來千

文高槃王子孫在山好等句先生因改著竹枝詞四
 章備揚天子萬年太平有道使之習而歌焉楚使
 告竣遷鴻臚寺卿又遷大理寺少卿甲午春三月奉
 命赴甘肅勘視荒災見饑民襁負蜂擁皆鳩形鵠面
 鶉衣百結餓殍縱橫先生日擊傷心不復茹葷飲酒
 會同陝甘督撫發倉賑恤尚慮窮鄉殘黎或未遍沾
 實惠徒步郊野汗淚交并時值癘疫炎蒸逐一病不
 復起以四月二十五日卒於固原之海都喇彌留之
 際語不及私惟恨饑民情形不得上達地方有司檢

視其囊衣一襲錢一緡而已年五十七所著兼山堂遺稿漳浦政略行于世論曰先生出宰十四年入於人者最深一生事業此爲顯著宜漳人之尸而祝社而稷之也岡原訃至自士大夫以及農工販暨莫不咨嗟太息刑牲設醴奔哭于月湖書院數十日不絕復劇金置田春秋饗祀事之若私親焉詩曰豈弟君子民之父母先生可無愧也已立朝日淺措施未暢使天假歲月其經國遠猷必更大有可傳者惜夫

訃核樸老不必造作經營而先生鬚眉躍躍楮上併一生精神心血俱爲寫出良史之才非時賢敢望項背





儀封先生傳

先生河南儀封人。姓張，名伯行，字孝先，號敬菴，諡清恪。學者稱儀封先生。從所居邑名之也。先生七歲入小學，恂恂有儒者氣。年十四，丁母喪。二十五，補博士弟子員。康熙辛酉，舉于鄉。乙丑，成進士。讀有宋五子許大○本○事○昔○從○此○處○立○定○脚○跟○耳之書，以聖賢為必可學，辨義利，闢異端。墜緒茫茫，有毅然搜紹之志。一時學者歸重焉。壬午，官內閣撰文。中書甲戌，改中書科中書舍人。是冬，丁父喪。越三年，建請見書院于邑之西郊，與鄉人士講明正學。奮興

者甚衆。已卯夏大雨北關堤決水汎濫入邑中居民
憂之先生募人夫囊沙土填築得無患。總河張公鵬
翹異之題赴河工効力以勞績懋著遷山東濟寧道。
值歲荒傾家財運穀以賑并載錢及綿衣數船分給。
凍餒者俄有旨賑濟先生奉檄賑汶上陽穀等縣以
擅動倉穀數萬石將挂彈章因申辯其略曰賑濟乃
奉恩旨非本道敢于擅動也。動倉穀以推廣皇仁非
希圖名譽救濟饑民非私侵肥己也使奉旨賑濟不
動倉穀坐視各州縣之流離死亡而不救倉有餘粟

野有餓殍本道之罪其可追乎。昔漢汲黯過河內以
便宜持節發粟賑貧民武帝賢而釋之今本道以擅
動倉穀題叅理應順受第恐將來山東各官皆以本
道爲戒視倉穀重民命輕害有不可言者矣。事得寢
在濟四年多惠政於河務尤所盡心。濰河每當秋溢
淹民田數十萬頃先生疏濬弘深又築五岔口使鄆
城等十五州縣皆安流士民至今尸祝之。啓利運閘
注水南旺糧艘得遄行遷江寧司臬。

聖祖南巡以先生爲江南第一清官遍問大學士督撫

以下皆推獎無異詞。天顏大悅。曰：汝等何莫保舉朕。保之將來居官好。天下以朕為明君。若貪賊壞法。天下笑朕不識人。至松汝授福建巡撫。入閩值旱荒。疏請動支庫帑買米賑濟。民得不饑。而永安漳平無賴。陳首魁吳海等煽誘愚氓。竄山谷為孽。先生密諭漳守趙完璧撫平之。褒廉糾墨。訪猾吏奸胥之為民害者。悉中以法。由是訟庭一變。教化大行。崇獎孝弟。嘉惠農商。置社倉興積貯。建鰲峯書院。延九郡一州才品卓越行誼端方之士讀書談道。其中為明體達用。

此矣此是篇中大關鍵

賑飢

主臣相知一事業基

講學

之學設藏書樓。置古今經籍四百六十餘種。膏火之

插補一筆手法絕妙

資捐創獨厚。視山左時所建清源夏鎮濟陽數書院

又迥然不同矣。福州有所謂五帝者。瘟神也。廟祀遍

城。鄉土人惴惴崇奉。先生悉毀之。或改為義塾。祀朱

子核。省城尼僧令所親贖回。匹配其崇正。闢邪多此

類云。在閩三載。風聲日上。當宗以江南重地。移先生

巡撫江蘇。庚寅春抵任。適維揚一帶荒歉。疏請海高

賑飢

等十三州縣。暨徐州乏食。軍民設法賑救。又以江蘇

等屬帶徵災漕。一年完。年半之租。民力有所不贍。請

暫緩以紓其困。皆報可。上動帑平糶。疏與閩事後。先
一轍。但拜疏即日舉行。謂臣因災黎窮迫。恐俟命下
部文往返遲延。時日專擅之罪。伏望鑒原。旨嘉納之。
是夏赴常州會審欵件。多所平反。與總督不合。總督
提鄭重者。噶禮也。性奇貪。以先生扼吭。未敢動先生。直已行
道興除舉劾。如恐不及。噶禮惡之。每掣肘不得行。所
志先生以疾辭。請解任。奉旨張伯行操守清潔。立志
不移。朕所深悉。江蘇重地。不得以衰病辭。因勉強復
視事。辛卯秋。江南大比。物議沸騰。姑蘇士子迎財神。

入文廟事。聞詔尚書張鵬翮出偕江南督撫案驗先

生奉命如揚州會鞫弊端。畢露總督故驕橫張威勢。

欲遏之。衆熟視莫敢撓。先生奮然上疏劾督臣抗旨。

欺君營私壞法。請正國典。以彰公論。其略曰。

皇上臨御以來。內外臣工罔不奉法。兩江督臣禮受

豢養。不爲不久。蒙委任不爲不專。稍有人心。自當佈

圖報効。不謂督臣自履任後。文武屬員逢迎趨附者。

雖穢跡昭彰。亦可包荒藏垢。守正不阿者。雖廉聲素

著難免。吹毛索瘢。此在聖明睿照之中。無容臣再爲

鹿洲初集卷一
十一
贅。瀆。可。異。者。江。南。今。科。鄉。試。盛。傳。總。督。通。同。監。臨。提。
調。攬。賣。舉。人。臣。以。督。撫。藩。司。皆。朝。廷。大。吏。豈。有。喪。心。
病。狂。至。于。如。此。之。極。迨。後。榜。揭。不。公。主。考。臣。左。必。蕃。
疏。內。有。或。發。督。臣。嚴。審。之。語。又。聞。總。督。要。銀。五。十。萬。
兩。保。全。無。事。臣。雖。未。敢。遽。信。固。已。心。竊。疑。之。及。奉。旨。
會。同。察。審。則。舉。人。程。光。奎。吳。泌。供。稱。關。節。是。實。藩。司。
書。辦。李。啓。供。與。家。人。軒。三。買。賣。舉。人。是。實。督。臣。大。怒。
不。容。直。言。臣。再。三。勸。解。歷。詢。諸。犯。皆。有。確。據。及。提。訊。
軒。三。語。多。曖。昧。事。涉。督。臣。夫。國。家。設。科。取。士。以。供。將。

來。任。使。必。科。目。之。中。有。正。士。斯。朝。廷。之。上。有。正。人。我。
皇。上。諄。切。訓。戒。以。期。風。清。弊。絕。不。謂。賄。賂。公。行。自。有。
制。科。以。來。未。有。江。南。辛。卯。之。甚。者。奉。命。徹。底。詳。察。而。
督。臣。必。不。肯。詳。察。奉。命。嚴。加。審。明。而。督。臣。必。不。欲。審。
明。推。其。抗。違。聖。旨。始。終。庇。護。之。故。則。以。前。通。同。監。
臨。提。調。攬。賣。舉。人。以。後。要。銀。五。十。萬。兩。保。全。無。事。之。
說。情。真。事。實。不。爲。無。稽。之。浮。論。矣。其。欺。君。壞。法。之。罪。
督。臣。雖。百。喙。奚。辭。若。不。請。旨。解。任。一。併。發。審。則。通。同。
作。弊。之。人。爲。奉。旨。察。審。之。人。真。情。何。由。得。出。國。法。何。

由得伸哉。故自督臣震怒之後。至今要犯一名。不能
提真供。一句不可得。皆由督臣驕橫之氣。足以震懾
人心。臣實有欲提不能。欲訊不得。者。不得不大聲疾
呼。煩瀆聖聽。我

皇上明見萬里。無微不照。而督臣敢于欺
皇上。

皇上待督臣高爵厚祿。何等隆重。而督臣竟忍負
皇上。擅作威福。賣朝廷之官。賣朝廷之法。復賣朝廷
之舉人。惡貫滿盈。兩江之人。知之。在朝之人。知之。天

一氣切勃滿紙風霜

下之人。無不知之。祇緣權勢赫奕。莫敢撓其鋒。以賈
禍。臣非不知此言一出。天下之人。無不為臣寒心。但
臣自念一介豎儒。候補中書數年之間。超遷巡撫。受
恩之深。無過于臣。圖報之難。亦無過于臣。故在督臣
敢于欺。皇上負。皇上則斷不敢顧慮身家。畏避權勢。同為欺君負
恩之人。貽譏天下。後世是雖言出禍隨。亦所不惜。況
臣之功名。予奪出自朝廷。性命死生。亦有定數。督臣

雖甚殘險亦豈遂能加害無辜臣又何憚而不言哉
仰祈

皇。上。大。奮。乾。斷。將。兩。江。督。臣。禮。解。任。發。審。俾。狐。鼠。之。
輩。失。所。憑。藉。而。承。審。之。官。亦。無。瞻。顧。庶。真。情。得。出。國。
法。得。伸。振。千。古。之。綱。常。培。一。時。之。士。氣。除。兩。江。之。民。
害。快。四。海。之。人。心。將。見。天。下。後。世。咸。仰。

聖。主。除。奸。燭。弊。之。神。明。億。萬。斯。年。永。享。國。家。賢。良。喜。
起。之。福。澤。矣。疏。入。噶。禮。亦。誣。先。生。他。事。以。互。訐。俱。解。
任。詔。遣。張。鵬。翮。赫。壽。並。案。之。士。民。聞。先。生。解。任。罷。市。

輟。業。扶。携。集。公。館。號。泣。失。聲。環。當。道。籲。保。畱。倉。皇。奔。
走。數。十。日。山。蔬。野。品。各。持。獻。不。受。則。膝。行。前。曰。公。在。
官。止。飲。江。南。水。今。將。去。無。却。子。民。一。點。心。固。跪。弗。起。
先。生。亦。弗。能。遏。也。五。月。審。案。上。以。先。生。所。劾。全。虛。例。
革。職。治。罪。噶。禮。免。議。部。覆。如。之。詔。尚。書。穆。和。倫。張。廷。
樞。再。出。確。審。審。如。前。覆。奏。部。議。又。如。之。
聖。祖。以。先。生。為。天。下。清。官。第。一。此。議。是。非。顛。倒。命。九。卿。
臺。諫。矢。公。據。實。再。議。九。卿。持。平。上。

聖祖復諭曰治天下要于至公朕御極五十年諸事以

公心處之。張伯行居官清廉。天下所共知。噶禮操守。朕不能信。微伯行在彼江南。朕自幼讀書。研窮性理。如此清官。不為保全。則讀書數十年何益。而凡為清官者。何所賴以自安乎。初次遣官往審。被噶禮制定。再遣往審。與前無異。汝等既係大臣。知張伯行清官。當會議時。何無一言。及朕有諭旨。始同聲贊其清。亦已晚矣。汝等體朕保全清官至公之意。使正人無所畏忌。則海宇享昇平之福。翼日命先生仍留原任。噶禮革去科場作弊諸人。尋亦正法。有差方

是時噶禮聲勢蟠結。浩大舉朝。莫不悚息。而先生孤忠獨立。自分無救。不意當宁撥暄。霾而揚。日月得至于斯也。江左士民歡聲遍郊野。榜于門曰。天子聖明。還我天下第一清官。焚香結綵。拜龍亭呼萬歲者。至數十萬人。復有數萬人赴京師。暢春苑。跪疏謝恩。願各減一齡。益聖壽萬萬歲。以申真實感激之誠。而閩省士民亦不謀而合。若赤子之慶父母也。先生念有宋五子發孔孟之蘊。于千載不傳之後。使聖道如日中天。其所論說。足配六經。語孟因輯粹。

與前提句呼應全神越振

寫得聲光奕

帶一筆妙

再提正學

精可誦者爲訓詁詳釋以示後學。號五子書集解。又作續近思錄。廣近思錄。皆獻之于朝。所建紫陽書院。集諸生講論正學規模次第。如在閩時極江左人文之盛。鎮江故濱海。承平水師戰艦多入主者。囊或察驗以民船支吾聽點無所別。先生條陳海洋舟楫分營哨商漁編列號數。又奏免揚州落地稅。民皆稱便。先是奉旨出海搜捕逸賊鄭盡心等。與蘇松提鎮查緝防範。先生慮海疆任重勤慎有加。動輒奏聞同事。愠之。甲午乙未閒以奏報張元隆張令濤等海案詔。

尚書張鵬翮之江南按驗劾狂妄自矜解組嚴訊擬置極刑。羈候鎮江城隍廟中。俟朝命。先生讀書著述晝夜無閒。纂脩四書周易正宗爲子姪講解經書。積有講義數十篇。置死生度外。俄奉命進京。陛見當事者以同知胡某監之行。仲冬二日渡江。自瓜州至維揚。父老數百人焚香拜岸。上士民夾兩岸隨舟行。四十里不絕。乞暫停一見爲胡同知所格。弗得。近越日過邵伯高郵亦如之。至淮安總河來會見先生所乘舟朽蠹將潰。敗大驚曰。曷坐此。若渡河沈爾以已舟。

易之行。暮將泊清口。胡同知不許督舟子乘夜渡黃。
寒心河急雨怒風周天如墨濤浪湍急人對面不相見皆。
光景如繪曰命畢矣然不得不行俄而雨霽浪靜星斗燦爛如。
 晝遂渡黃河舟人皆大喜相慶賀先生亦不以爲意。
 也。至京召對乾清宮明日召講民可使由之一章復。
 召講太極圖說擢倉場總督改倉平糶貧民得沾實。
 惠奏請設立社倉依朱子社倉法增益條例十六款。
 奉旨赴永平經畫社倉事宜丁酉典順天鄉試晉少。
 司農辛丑主禮閣所得士來謁必告以聖賢之學不。

可汨沒勢利實心報國無負科名河南馬營口決條。
 奏黃河水勢情形旨嘉之冬十月以母病乞假命于。
 臘月旋京便道閱河南武陟決口壬寅春召赴千叟。
 宴畢賜坐諭羣臣曰汝等皆大臣大臣職分當仰體。
 君心惠愛百姓如張伯行爲巡撫是真能以百姓爲。
 心者也後召對澹寧居論事久暈眩色變命大臣扶。
 掖以出。
 皇帝嗣位體恤舊臣眷注逾格外會議大政保舉大。
 員皆命同親王大臣在乾清門預議晉秩一品封三。

代。廕。一。子。員。外。郎。未。幾。遷。禮。部。尚。書。先。生。以。濼。洛。關。閩。五。子。書。集。解。進。呈。

上。親。書。禮。樂。名。臣。四。大。字。賜。焉。復。進。續。近。思。錄。廣。近。

思。錄。及。宋。儒。文。集。數。種。皆。蒙。嘉。納。凡。朝。端。衡。文。如。搜。

羅。鄉。會。遺。卷。考。試。官。生。翰。林。咸。命。校。閱。祭。祀。大。禮。如。

郊。壇。視。牲。辟。廡。祭。告。向。皆。王。公。大。學。士。之。事。悉。命。先。

生。行。之。而。闕。里。一。役。追。封。先。聖。五。代。命。以。便。道。旋。

省。家。鄉。尤。異。數。云。錫。賚。便。蕃。有。加。無。已。緯。冠。蟒。袍。錦。

綺。珍。玩。龍。飛。鳳。舞。之。書。玉。振。金。聲。之。文。松。花。之。規。花。

金。之。扇。西。洋。之。鏡。內。造。器。皿。囊。香。之。飾。繹。絡。頻。頒。炫。

黃。于。道。以。及。南。方。鮮。荔。西。域。異。瓜。大。內。新。棗。參。苓。茶。

膏。時。果。節。物。鹿。羊。雞。魚。天。厨。之。饌。罔。不。充。物。几。席。滿。

車。滿。家。每。名。進。乾。清。宮。以。年。老。諭。旨。免。跪。嗣。後。請。安。

諸。事。多。以。不。能。久。跪。免。勞。頓。或。奏。事。跪。久。輒。命。內。侍。

扶。之。起。雍。正。三。年。春。二。月。十。有。六。日。以。疾。卒。年。七。十。

有。五。歲。遺。疏。請。崇。正。學。勵。直。臣。為。千。古。第。一。首。出。之。

君。綿。萬。世。無。疆。之。福。無。一。語。及。私。家。事。

天。子。悼。之。遣。王。公。大。臣。臨。奠。加。太。子。太。保。全。禮。葬。祭。

謚清恪於卹典常例外加祭一壇詔舉朝公卿臺諫咸臨其喪及殯亦如之所著有困學錄續困學錄五子書集解近思錄集解續近思錄廣近思錄居濟一得學規類編家規類編道南原委伊洛淵源續錄性理正宗正誼堂文集凡若干卷藏于家論曰先生之於學可謂醇矣流俗滔滔沈淵滅頂科舉訓詁詞章皆謂之學彼其志不過取富貴利達而止去聖人之道遠也或稍自振拔無賢師友之撤其障蔽又不免陽儒陽墨近似亂真為學術人心之害

悲夫先生自幼毅然以聖賢為必可學志趣固已不侔結出要領崇尚程朱薪傳獨正排異學之為程朱難者大聲疾呼欲與天下共正之即治水賑饑刑兵錢穀紛呶糾錯之會以及坎陷交訐死生危急之秋罔不敬業樂羣守道自娛所謂造次顛沛於是者乎自古大儒罕竟其用先生際兩朝明聖極千載一時之盛與伯彝后夔爭埒矣

崇尚正學是張公一生得力處篇首提明全文線索在下入後絲聯繩牽處處不離其母備極結構

之精

曾叔祖孝廉玉書公家傳

公諱銘璽字玉書福建漳浦人家貧落魄以族兄侍
 御紫濤公本領占籍粵東之普寧往依之遂家於普性好
 讀書立志節為人冲雅無疾言遠色弱冠補弟子員
 登順治辛卯賢書潮帥郝尚久叛聞公名使人召致
 之公蹙然曰作亂也嚴正此豈可哉其人曰非也復明耳
 公曰我天朝舉人不知其他固強之弗赴人還報郝
 逆怒遣其黨以兵蹙之公守義不屈集鄉壯據守東
 山寨賊晝夜環攻寨破死焉闔門皆遇害鄉壯同死

者八十餘人子士旌在外得免邑人哀之

論曰公守義嚴正而詞氣不迫真可謂冲雅矣出之

以和平行之以果決至于闔家殉難鄉閭手足亦皆

視死如歸抑又何其烈烈也名教于城庶幾無愧

不為激烈怒罵却能殺身成仁此學養功深見義

明決者文亦簡淨逼肖

叔祖宜侯公家傳

公諱忠字宜侯福建漳浦人也生有膂力讀書知大

義能孝於親配孺人卓氏尤盡婦道宗族稱之所居

村曰墩內在萬山之中故有虎患歲甲子有巨虎奇

橫往來百里內傷人不可勝計臘月十二日抵某社

為伏弩所傷甚憤四顧無人跳踉大叫聲裂山谷所

觸草木皆糜爛直奔墩內村過土地神廟張牙舞爪

齧泥像碎之居民閉戶懾息莫敢有出聲者公父元

章公叔父裕公比屋而居時漏下可二鼓皆已熟睡

虎既碎土地神猶咆哮不肯已衝撲附近人家倒其
 門攬二豕啖之裕公夢中大喊虎怒撲其門以世居
 山中防虎患門內植兩柱衛橫木擊之虎竭力衝撲
 不可入裕公恐益大喊虎聞喊聲益大怒狂跳登屋
 破瓦桷直下斃裕公糜爛其體公父元章公聞弟有
 虎患發聲助喊虎復狂跳破公屋撲元章公仆地公
 持長刀直前鬪虎卓孺人携杵從之虎舍父撲公公
 舉刀刺虎中其咽喉刃入腹中三尺許拔刀不得出
 手餘腕柄虎負痛復撲公孺人從後抱虎雙手搯虎
 不顧性命亦見大力


頸虎內既重創不能自脫公持手中柄連擊數十惶
 急中卒無以斃虎孺人呼曰斧公急從門後取斧竭
 力連劈之比雞唱夫婦氣力皆疲瞪目熟視則虎已
 死矣急視父尚臥地呻吟乃共扶入寢所以藥敷治
 之天明村人屠虎得肉二百有餘斤越翼日元章公
 竟死公及孺人哀痛激切喪葬悉如禮觀者莫不下
 淚里中父老士大夫謀欲白其事於令長請以上聞
 公泣且謝曰忠不孝獲罪於天致使父叔喪於非命
 忠雖苟留殘生此心已死久矣若又因以為名是幸
 大孝純孝直是聖

應請旌表

災而樂禍忠尚得為人類乎敬謝尊長切勿復言殺
 虎事諸父老持之再三公辭愈益力僉曰姑置之無
 傷孝子心也天道有知大節豈終泯沒尚留以有待
 焉公長於韜略後為武諸生以卒
 論曰哀哉宜侯公之為孝子也非獨公之賢卓孺人
 尤不可及矣舍生救父避旌表以為名幸災樂禍數
 語聞之而不墜淚者非人也當殺虎時鼎元幼未能
 知後十七年從族兄唐民先生受業始得其詳距今
 壬辰秋又已十有三年矣家乘未登懼將湮沒不揣

固陋粗為敘次以俟載筆者採擇焉幽光潛德歷久
 彌新公雖不欲以孝名而名卒不可掩人亦何靳而
 不為孝哉

敘殺虎處亦如鉅鹿之戰觀者股栗矣摹寫入神
 淋漓盡致殆顧虎頭王摩詰之畫乎○孺人呼曰
 斧筆法從史記荆軻獻地圖來妙妙



叔祖福建提督義山公家傳

公諱理字義甫號義山福建漳浦人少桀驁自大不
 屑與羣兒偶長益卓犖偉軀幹虎頭燕頤巨目豐頤
 口可容拳力舉八百鈞足追奔馬曳其尾倒行刀盾
 鎗砲靡不精絕時拊腹跳叫曰丈夫不封侯拜將非
 人也年十六無以資生或勸之業染笑曰君子固窮
 吾姑試為之設缸置葢收里布躬染濯一日遇族叔
 贊皇于道見手青問何為以實告贊皇怒舉扇撲其
 額罵曰天生一具銅筋鐵肋不立功萬里外作此不

繪出英雄圖像

肖可鄙公矍然歸持斧擊斃缸破之集族中雄健者
十五人謀曰我欲為國家出力顧世莫我知無尺寸
憑藉今海寇盧質擁眾岱嵩并尾間荼毒生靈我與
若往殺之官以我為能必聞於朝用我矣皆曰善遂
行出洋尾橋招邀得五十人至岱嵩屯駐盧質居井
尾隔一江遣二小賊遊巡公傳言吾欲與質鬪令質
來質聞率眾三百至公唬然大笑曰人言盧質英雄
偽耳質曰若何名公曰豈不聞藍理質曰乳臭耳吾
安得聞之公曰吾素聞若勇今始知若非勇若所恃

二三百人耳假令二三百人弗動手獨若隻身與吾
鬪吾擒若矣質喜曰有是哉令軍皆壁立毋擅動質
與公各攜籐牌短刀躍出沙場鬪百合不分勝負盧
質有名劇賊身長七尺餘白面長鬚揮刀盾如閃電
百夫莫能當其勇見公少年心易之至是始知為勁
敵悉殫其技不能勝公度質氣餒忽虎吼大呼曰着
矣質愕然趾出盾外公截其趾顛遂斬之謂其眾曰
降者免賊眾皆降其副王都聞之亦降公議馳詣郡
獻功都請緩數日言有仇欲報實潛出剽掠後以傷

卒公始自詣郡。郡中當事方疑公作賊。又慮海寇侵擾。戒嚴。公指天誓曰：言屠賊狀，弗信。逮公于獄。雜羣賊中鞫治之。爰書置極刑。屆期將斬。計五十有三人。議留一人，緩死。待後來者，令掣簽。公曰：死則死耳，何掣為？羣賊向前競掣之。遺一簽于地。公曰：地上者，予我官。揭視之，乃生字。由是五十二人皆斬，而公獨留。久之，同繫有謀越獄者，事洩當斬。將及公，迅雷忽作，晝昏似夜。當事度其冤，乃止。然終不能出獄。公亦晏然無出意。日束芻捆屨，以為食。康熙甲寅，靖藩耿精

忠叛。悉縱繫者，令更衣赴藩下授職。公曰：我豈從賊作亂之人哉？間道走上游，出仙霞關，聞親王統大師討逆星，馳迎之。具陳平閩策，王嘉其忠，令隨征為前導。屢立戰功，奏授松溪營遊擊。未幾，遷灌口營參將。灌口地當孔道，軍興旁午，供億甚繁。閩督姚公啓聖駐漳，籌海每使過，有誅求，公不應。且執而鞭之。由是諸使皆譖公。姚糾公虛兵，冒餉革職，永不敘用。公有卒，鬪殺人，當死。公憐其母寡，無昆弟，白之官曰：殺人者我也。卒無罪，得免死。置公于理。公在獄，又經年始

獲釋。歲癸亥。朝廷以鄭氏父子竊踞澎臺。數侵擾。泉漳為邊患。議大興師。命靖海將軍施公琅往剿。滅之。施名宿老將。善用兵。聞公英勇。奏請隨師平賊。檄署提標右營遊擊。領前隊先鋒。公喜得遂報國。志日在廈門練習水戰。教演行陣。有二卒出市薪蔬。遇將軍標噶叭什。觀劇使酒。擒二卒。撻之。併詆公革職之員。不可為將。卒歸。愬公笑曰。汝曹鬪毆常事。且問汝勝耶負耶。卒曰。受撻耳。何敢爭勝負。公怒。命斬之。曰。汝二噶叭什。不能勝。何能殺賊。卒呼冤曰。我等

忙中着閒

大奇

以主帥內標姑讓之。請復與鬪。如不勝。願斬。公縱之。

其氣

更奇

以縱

再鬪曰。勝矣。大勝矣。喜命二卒仆門板上。刺一雞淋

之。昇以隨。往見將軍。請發噶叭什二人者。付懲治。施

侃侃而談辭嚴義正

公不可。公固請曰。今行軍用。人之始。士卒不敢愛軀。

命為將軍。出死力。將軍宜一體撫恤之。惟公惟溥。可

服人心。噶叭什小輩。恃將軍親暱。無故鞭撻士卒。且

當眾大言。謂某革職之員。不堪為將。損先鋒威。重搖

迫以不待不從

惑眾心。將軍不發此二人。付其懲治。恐軍士人人解

此着出人

體也。施公不得已。付之。公馳至營。遣卒賫公文飛報。

將軍曰今日上吉先鋒啓行殺賊即詣海岸祭江綁
如○穰○苴○之○斬○莊○賈○此○時○軍○威○百○倍○噶叭什二人斬之轟然大砲九聲順風揚帆而去施
公聞之不悅既而曰虎將也必成功命治裝統諸軍
繼之公帥師直抵澎湖鄭氏將曾遂等以數萬衆迎
敵戰艦蔽江公奮勇與戰自辰至午益力忽有賊砲
斜飛過公腹公偃曾遂呼曰藍理死矣公次弟瑤從
急○着○背後扶公起立公空拳虎吼大呼曰藍理在曾遂死
矣喚草茵持刀來連呼殺賊者三聲如巨雷舟中軍
英○勇○士皆氣壯無不一當百草茵族子法別號也持刀授

公見公腹已破腸流出外為掬而納諸腹中公四弟
寫○出○倉○皇○光○景○各○人○神○氣○通○真○瑗傳以衣五弟珠持匹練連公腹背交裹之公大呼
殺賊不暇顧伊時賊舟競進以鐵鈎鈎住公舟我師
亦飛鈎鈎賊舟火箭火龍火罐彼此對擲烟燄漫天
賊中有飛天鼠者沿大桅而上伏篷陰啣刀捫繩負
篷而立羣賊轉篷向外則持刀飛跳下我舟公弟瑤
揮刀斬之賊人氣喪我軍賈勇先登公命以火藥桶
盡傾賊舟燔斃賊無數沉其二艘賊大敗逐北數十
里棄械浮屍盈海面遣弁赴將軍報捷施公大喜拜

疏上公首功。親至公舟慰勞。有紅彘醫藥。極神效。命醫公醫言。須七日勿動氣。乃可平復。施公曰。大功已成。安臥十日可也。其後施公將戰。戒左右勿使公知。將帥齊出。千艦競奮。賊悉銳拒我師。日中小却。施公以大衆犁之。過猛艦攔淺沙。不能動。羣賊環焉。施公故善戰。神閒氣定。不以遇淺故挫。劔賊見篷上書中軍二字。弗知其為施公。遙望總兵吳公英一船。高牙黃纛。甲帳甚盛。以為此真將軍。多趨赴敵。然潮漸退。淺益甚。施亦未得突圍。出謀者飛報公。左右偶語曰。

將奈何。公聞問。故給曰。無之。公拔劍起。大驚。乃言將軍遇淺被圍。狀公傳令往救。左右弗能止。遂行。時諸將所乘舟。皆書官爵姓名。篷上字大二尺許。遠難辨。獨公舟止。書監理二字。字方廣。各二丈。賊遙望見。相謂曰。監理來矣。稍却。公追擊大敗之。奪賊舟。請施公更舟。施執手慰勞曰。愛我也。但醫言七日勿動氣。是以戒左右。無令公知。今方三日。奈何遽動。公笑曰。主帥被圍。吾安忍偷生。即瘡裂以死。亦有天定。無悔也。於是與施公乘勝殺賊。賊大敗。死傷不計。窮追至西。

嶼頭賊退守城壘不敢出。施復拜疏上公功。數日公
瘡平復。與施謀出輕師以擾之。賊數敗。首尾不能相
顧。大困。弗支。鄭克塽聞之。懼遣使納降。我師入臺灣。
百姓安堵。海疆底定。大○功○成○矣○朝者以公血戰破敵。功在首
先。遇缺先用。而公以二親且老。乞歸省弗赴。孝○未幾丁
父艱。服闋。又越二載。戊辰。始入都。過趙北口。遇
聖駕出水圍。將迴避。騎凝立道中。弗肯行。鞭之數十。
不動。乃舍騎步入梁園中。
駕至。遣侍衛問誰。騎公乃出。曰。臣監理從福建來者。

上問是征澎湖。拖腸血戰之藍理否。公奏曰。是。

上曰。來何遲也。召至前。問血戰狀。解衣視之。以
御手撫摩傷處。嗟歎良久。復召至。行宮極慰勞。

廷議授官。部臣以公革職閒員。擬守備。弗可。擬遊擊。

叅將俱弗可。乃擬授陝西神木副將。賜帑金三百。

兩未行。特授宣化府總兵官。挂鎮朔將軍印。越三

載。以海洋多盜。調補浙江定海鎮。在浙十餘年。四署

理提督事。兵民相愛。山海肅清。修定海文廟。祀忠烈。

墾荒蕪。築道頭。通洋舶。海外蒼黎。欣欣大有起色焉。

尤重斯文。禮賢士。諸生。單寒者。必周恤培植之。鄉會
大比。皆資行李之費。浙人士籍籍弗衰。每遇
上南巡。接駕。或入京。陛見。恩眷之隆。羣臣無比。
上常向諸王女。臣言公拖腸血戰狀。又引見
太后。曰。此破肚總兵也。蓋愛公如家人婦子。賜賚優
渥。不可悉數。公每敷奏。侃侃指畫。或手舞足蹈。
上嘉其真率。手書所向。無前及勇壯簡易匾額。
賜之。尋以天津為京東重地。調公鎮守。公以畿輔產
米無多。而天津一望平原。皆沃衍閒曠。可濬河引水。
此是絕大經濟不意

開灌稻田。率兵疏鑿躬胼。胼負土築堤。市牛種農具。
募民耕種。得水田數百頃。歲收稻穀。
上俱以賜公。丙戌遷福建陸路提督。調公五弟獨石
路。參將珠赴天津。接管營田事。公至閩。見桑梓父老。
欷歔太息。道及微時顛沛事。慨然有廣廈千萬間。盡
庇寒士之意。地方鼠竊盜賊。搜除廓清。盡撤街巷柵
欄。曰。此非弭盜。乃弭捕盜者漏下。三鼓城門洞開。民
間夜戶不閉。行旅戴星往來。遺貨物于道。無敢拾取。
數郡人民安樂之時。詢疾苦。聞文武胥役弄權舞弊。

以及勢豪大惡訟師土棍股削人民悉關白當事按
法區處親近者竟自治之堪輿家言漳郡人文鬱塞
乃後山仙殿歷學宮地脈東南田裏港未築水門直
瀉所致公毀仙殿大興工役填築田裏港又以江東
橋被賊斷後險渡狂瀾民苦病涉倡修江東大石橋
二役費須鉅萬公偕諸文武官紳捐貲不足則以郡
人之不孝不弟為富不仁者罰出鍰附益之又狹小
市廛制度築漳州浦頭石碼泉州新橋安海沙溪塗
嶺行舖千百間大開街衢便民貿易常曰以地方不

義之財為地方萬民之利可以勸孝弟抑豪強轉移
風化莫善於此或曰此有司事非所宜公怒曰天下
官管天下百姓腐儒何足以知之由是告訐不法事
者日接踵差弁勾攝絡繹於道而假威藉叢之輩紛
紛四出富人重足而立矣公左右親暱多陰交泉郡
土究偵訪素封詭稱公令恐嚇之獲利無算或遇豪
黠不聽從則以抗拒為大辱又不敢明目向公言伺
公遊行處隔牕偶語故作嗟歎不平聲公聞問故則
故匿不言再問尚吞吐其說似絕不經意者公性急

不能休乃言其某為富不仁極害人不堪之處或暴
 橫孤寡諸非人類所為事公曰豈有此理世間無官
 法耶復極言勢力浩大官吏莫敢櫻公曰治之則後
 此諸事皆公所為其人不能支必請托左右納賂求
 解凡出入公門者皆致富而惡名盡公受之泉郡勢
 豪如公者刻匿名帖繪一虎以比公多列條款傳播
 京師聲名大壞辛卯秋以漳平陳五顯盜案解任壬
 辰入都值覺羅滿公保出撫閩據虎帖參劾
 上命侍郎覺公和托廖公騰燧偕總督范公時崇巡

撫滿公保並按之左右不肯承公曰吾大臣何必辯

舉筆署曰皆實擬極刑追贓八萬家產皆籍入官

上念公功免死挈家歸旗俄以西藏用兵命之軍

前効力有進戰退守移營就糧數事合機宜

上深嘉之赦免所追贓而閩中家產俱經有司變鬻

一空無復有立錐地矣越數載以老得賜還京康

熙五十九年卒年七十二公生平躁急性發如雷霆

過即忘之無藏怒宿怨劇談大笑聲聞里許惟好自

尊大不服人尤善罵凡權勢赫赫位在其上者多倨

侮挫之。以示天下。莫已若。遇才人傑士。雖寒賤。徹骨此却非人亦必折節禮下。以此人服其藻鑑。教家勤儉。衣食粗糲。無所擇。家奴悉珍饈。自奉草蔬。敗肉皆留。以待公。公亦甘之。好書大字。濡毫伸紙。有求無不應者。諸弟皆以平臺功。加左都督。最著者。次諱瑤。公功烈居多。未仕卒。四諱瑗。公仕至福建金門總兵官。亦喜書大字。拳能入口。揚眉一躍三四丈。五諱珠。公累官參將。英勇不讓諸兄。而好學聰敏。能背誦朱子綱目。始終此是學者所難足見不遺一字。文人畏之。公有子六人。長國英。歲貢生。次

文魁。太學生。早卒。三國庭。辛卯科副榜貢生。以軍功候選郡司馬。四國定。歲貢生。五國柱。六國柱。皆効力禁門。並授京營千夫長。康熙六十年壬寅秋。賜聖恩深厚。全始全終。公家屬出旗。仍還閩省。為民籍。護其喪歸葬。論曰。公一代虎將也。起草募建。奇勲生平。舉動種種。異人可不謂非常之傑乎。使公稍謙慎。自持。或官非梓里。急流勇退。千載猶將慨慕之。以好大喜功。卒為左右所蒙垢。晚節弗完。深可惜也。然公之奇氣。終不可沒。拖腸血戰。功在社稷。未可以儒者潔清之操。墮

○蔡○如○韓○彭○李○郭○皆○然○此○為○平○心○之○論
國家干城之彥庶幾乎論得其平哉

寫得英雄神氣如龍虎不可捉摸中間收盧質斬
噶以什拖腸血戰入閩發揮數段俱極非常出色
起司馬子長于今日握管叙次不知作何鋪排恐
亦是項紀後有數文字未必可多得也

阮驃騎傳

阮蔡文字子章號鶴石閩之漳浦人父曰魁居下魏
鄉以海氛遷徙苦徭重轉之江西生文于南昌寄籍
新喻文幼警敏年十一即能屬文然性剛以膂力自
貧喜弄刀盾隣兒皆畏下之子三補新喻諸生以貧
甚隨父耕作父購得蠹壞綱目授文讀冬無絮文攜
斧斲樹根累百斤者負歸坎地藝而圍之父沒教授
村童以養其母二十四登江西庚午賢書數上春官
不第留心經世所至南北山川阨塞險易沿海島灣

遊魂屈穴以及東南諸蠻夷情狀利害無不瞭瞭胸
○開○情○致○滿○紙○聲○光○
 其鄉語楚咻吳越閩廣方言苗獠鴉鳩侏儻之音入
 其鄉卽與之化肖其聲調口角莫能辯爲何方之人
 也既落擴無所用周遊餬口與武人吳郡交相善文
提出知已
 族父欽爲爲台州副將拜興汧總兵官偕郡往依之
 文任書記郡爲小校兩家母通往來飽飯坐之堂上
 擊鼓長歌以爲笑樂郡事文母如母郡母亦視文如
 子雖親昆弟無以逾也未幾文以母沒扶櫬挈家還
 浦時浦令陳汝咸率邑人爲講經之會月兩期文攘

臂前席高論古今治亂得失救時急務同學躉之丙
 戌後讀書都門已丑被放南還抵三山閩撫張伯行
學術
 邀入鰲峯講洛閩之學分纂先儒諸書或勸文離家
 五載宜遄歸文曰正學失傳久矣斯會可多得耶顧
 吾方謀葬母亦當歸耳還至海澄距家不百里芒鞋
 布襪遍歷山原爲母求葬地風餐露宿四閱月得地
陳○上○平○系○也
 于陳坑將發紉之前二日乃返舍其明年漳泉諸郡
 饑文將有姑蘇之行傾囊以資族人之下魏者酌
 親疎計口多寡分給之謂其子曰吾非不念汝曹顧

此皆吾祖宗之子孫吾與汝同源共本者也。脫二日
不舉火，非填溝壑寧免散之四方哉？時吳郡已為定。隨接古法。
海大帥。詔截江浙漕米三十萬石，由海道入閩分
賑。文自姑蘇趨如浙，偕吳郡分運五萬石，揚帆先至。
漳泉之人賴焉。以功晉秩一級。壬辰冬十月，海賊陳
尚義遣其黨赴兵部乞降。時陳汝咸為御史，奏請自
往招撫。薦文與俱。詔御史駐錦州。賜文帑金衣
裘，加二級。偕千總駱南左、其彪等入海，遇颶風大作。
駱南一船飄失，不知所往。文船折檣，幾覆溺。數四舟

人大恐。文怡然曰：我等為朝廷招捕寇靖海疆，雖
葬魚腹，不猶愈死兒女子手耶？至登萊，易舟。踪跡所
在，則遊奕盡山花鳥間。文直上賊艘，見尚義，開示威
信。聲情慷慨，賊黨有疑貳，欲劫文。颶去者，憚文丰裁。
未能決。文陳說利害，遂悉眾降。由寧波登岸，則吳郡
已為浙江提督遣官弁護至京師。召見便殿。
上問文書生此行良苦，頗驚怖否。文奏言：臣仰仗威
靈，頑梗革心，無所怖。更問沿海事宜，條對甚悉。議功
晉州牧，選雲南之陸涼。未行，改授福建廈門水師中

營參將則以文材武可大用而大學士李光地亦奏
 稱其猷略故也。廈門距家百餘里，利弊纖悉無不知。
 通關梁除盜賊，動合兵民意。紅彝市舶故驕橫，土者
 貪其利多為所玩。一日有互市者，真賈輕重不相中。
 一船拔刃以譁，軍吏惶急不知所為。文單騎往縛譯
 榜之為評，其直皆羅拜。次日其酋率眾謝承筐多儀
 免冠以獻，文大陳武威坐堂皇，召之入語以朝廷
 威化呵責甚厲，皆不敢仰視。復椎牛置酒饗之，庭廡
 所獻儀物悉遣還。由是諸彝畏服。明年調臺灣北路。
不嗜殺真英雄器量自是不同

營參將諸羅令周鍾瑄才名吏治為海疆冠文一頁

如舊交和衷共濟戢吏卒撫番黎捐金助建學宮城
 隍悉除所轄陋規部伍器甲簡閱整齊躬巡歷沿海
 增置要害營汛北路地方千里半線以上民少番多
 大肚牛罵吞宵竹塹諸處山川奧鬱水土苦惡南崁
 淡水窮年陰霧罕晴霽硫黃所產毒氣薰蒸鄭氏以
 投罪人庚寅始設淡水防兵及瓜生還歲不能三之
并一巡哨未有至者文決計往部曲皆涕泣強諫文曰
 不然臺雖彈丸實閩之安危淡水又臺之鍵鑰也由

淡水至福州利風一日可達民番錯雜亡命者日多
 不熟知其里道情形何以控制調度自齎帳落具脯
 糒日或于馬上成詩夜燃燭紀所歷地里山溪風候
 土俗為文以祭戍亡諸將士悽愴激烈聞者感泣山
 谷諸番具牛羊酒食迎餉道旁儒○將○風○流○文悉慰遣無所受名
 社學番童坐幕下與之語曰我汝師也勿懼能背誦
 四書者旌以銀布為講解君臣父子之大義反覆不
 倦諸番皆感悅竟以中瘴氣歸而病痞遷福州城守
 副將赴京道劇卒于宿遷年五十文偉軀幹黝面闊

口好劇談大笑鬚眉俱動讀書忘寢食有時賓朋滿
 座朗誦高吟或展卷喜動眉梢失聲揮淚戟手怒罵
 嘗曰吾見古人之忠孝節烈恨不起其人於紙止而
 拜之神○妙○筆○跪之也見古人之悖逆奸回恨不起其人於紙
 上而烹之神○妙○筆○碟之也為文章不假思索對客揮毫數千
 言立就詩以韓為宗然其志在經濟事業欲以設施
 見長故著述無多所遺淡水諸作補○筆○妙○南北海道盡山花
 鳥等記耳平生無留錢或贈之千金以葬母輒盡在
 官二十有四月某嘗取兵民一粒一絲運米及招撫

時所過當道以文需次閒員爲國宣力慮資斧弗繼
輒贈金帛文悉却之曰吾不以
天子之使受人憐也沒後妻孥饘粥不充無一廛之
宅然素淡泊亦不見爲苦云
論曰阮鵠石全才也粗豪曠爽有湖海之氣望之知
爲英雄耳其沈幾權變肆應詳密非與共事不可得
窺測也使竟其用經濟事業豈必多讓古人天奪之
速則不解其何故矣世所傳造物忌才吾始不信悠
悠天下人才難得又困苦沮抑之不使展盡底蘊是

宜。天既不肯多生才生之復不愛惜之則謂之忌也亦
古。今。同。一。結。裏。然。

筆筆傳出英雄本色面目如生毛髮俱動九原有
知當必掀髯大笑曰知我心也

游遊戎傳 蔡章琦附

游崇功字仲嘉福建漳浦人也。幼喪母。事父以孝聞。

兄尚功任湖廣辰州守備。終廣東肇慶都司。崇功材

力雄健。有遠志。操行不苟。年二十九。從蔡老虎鎮襄

陽。老虎器之。拔右營把總。老虎亦漳浦人名。元屢任

總兵官。以善戰為敵所懼。故海內稱蔡老虎云。崇功

既得官。益勵志節。歷千總。秩滿。遷福建長福營右軍

守備。分防長樂縣。縣濱海。有磁灣。為賊艘出沒之區。

崇功廉得其狀。以兵二百。伏仙峽塘要口。復率兵捕

之賊棄舟登岸。伏發擒十七人。獲其舟。自是島澳肅然。癸巳夏。長樂水災。民艱食。崇功憫焉。躬之會城。見巡撫覺羅滿保。請發粟平糶。許之。即遣往羅源轉粟。回縣濟民食。邑人始安。滿保以為能。比遷閩浙總督。即以調補臺灣北路營守備。訓練兵眾。輯和其民。人諸俗健鬪。動輒挺刃相加。歲旱。爭水如臨大敵。崇功親為和解。均水道。競者以平。協修學宮。建無祀壇。凡勤民事多。此類諸羅之人。深德之。三載瓜期。遷海壇鎮右營。遊擊海壇。故多盜。崇功巡緝外洋。遇賊舟窮。

追力戰擒賊陳阿尾等六十餘人。滿保益器之。復題

調臺灣水師左營遊擊。康熙六十年辛丑夏四月。臺

灣土賊朱一貴作亂。逼郡治。崇功方巡哨北洋。月之

廿八日。在笨港聞報。以兵還赴安平。次日至。則羣盜

已大猖獗。而文武守臣眷屬悉在舟中矣。崇功曰。官

者兵民之望。官眷登舟。則兵民心散。大事去矣。急登

岸赴敵。其壻蔡章琦叩馬請一過家門。區處眷屬。崇

功厲聲曰。吾此身已許朝廷。今日遑知有家哉。躍

馬麾眾。竟去。前後連戰。殺賊甚多。五月朔日黎明。賊

眼前道理。時人憤憤何也。

真忠臣。

衆數萬戰于春牛埔總兵官歐陽凱失利及副將許
雲皆戰死崇功從容無懼色突圍衝擊手刃百十人
乘馬被創遂死焉時年六十及臺平朝廷贈秩廕
子以旌其忠

蔡章琦字又韓游崇功子壻也其先浙江餘姚人隨
父官湖廣之穀城因家焉援例充太學生家中落以
康熙五十九年攜孥渡海就食崇功官舍章琦為人
慷慨有志節能為詩崇功甚愛且敬之朔日既暮聞
崇功陣亡喟然嘆曰吾嘗讀聖賢書今日可不死哉

遂赴海而死

論曰游崇功歷官三十餘載未嘗營一畝之田數椽

之屋以武職而勤民事所至有能名是不必待沙場

馬革之日早知巍然志節丈夫矣蔡章琦太學諸生

蹈海成仁洵無忝游家壻也同時北路叅將羅萬倉

戰死有妾蔣氏投繯完貞德盛化神之世士女皆知

忠義立志節豈不偉歟余欲為羅蔣立傳不能悉其

家世里居及生平事蹟尚闕有待

叙次簡淨覺精神躍躍行墨間是史家擅長處

李介傳

李茂吉本姓江福建漳浦人也。欲落不羈家素貧弗

有大志

屑治生業與弟江尚皆從戎邊省將帥相沿懶更兵

籍每名募入伍則指一空名畀之以故茂吉姓李而

江尚兵名侯鵬皆不得姓本姓云茂吉由海壇鎮隊

英○雄○識○英○雄○

目以班渡臺屬水師副將許雲麾下雲一見大奇之

康熙五十八年秋九月薦于鎮帥歐陽凱凱考驗材

技出眾轉薦提督施世驃總督滿保授安平鎮中營

有○本○領○人○不○在○官○之○大○也○所○以○

把總茂吉不以官小自卑奉職甚力岸然有大志稍

委靡事皆不為朱一貴之亂。茂吉自請于副將許雲。
 乞一旅率弟侯鵬為前驅殺賊。時羣賊蜂擁逼郡郊。
 雲聞警欲躬赴援。遂以茂吉從。四月晦日戰于萬。
 壽亭。茂吉虎吼雷奔。直入賊陣。左衝右突。所向莫能。
 當賊退屯竿津林。五月朔日復隨雲在春牛埔迎敵。
 杜君英朱一貴合兵圍殺鎮帥歐陽凱死焉。守備胡。
 忠義千總蔣子龍把總林彥石琳皆戰死。獨水師弁。
 兵不少挫。許雲游崇功。自分必死。率千總林文煌趙。
 奇奉力戰。茂吉奮刃大呼。賊披靡僵尸匝地。自黎明。



戰至日中。矢窮砲盡。雲崇功文煌奇奉皆戰死。茂吉。
 亦力竭被擒矣。賊擁之演武亭。見渠魁戴穆。茂吉挺。
 立昂然。穆怪其不跪。叱之曰。若兵耶。茂吉曰。官穆曰。
 把總微官耳。若壯士降當以汝為將軍。茂吉瞋目厲。
 聲罵曰。死賊我。朝廷命官豈肯從汝作賊。遺臭萬。
 世耶。舉足踢其案。案翻奮力斷縛。直前欲奪刀殺賊。
 賊眾舉刀共斫之。頭腦破裂尚痛罵不絕口。賊怒碎。
 其屍。時年三十九。侯鵬被傷不死。潛匿民間。覓兄屍。
 數日不可得。大師入鹿耳。鵬隨軍殺賊。遍訪諸埋屍。

所發視皆非。遇與茂吉同擒之。舊兵蔡爵乃得其詳。以茂吉妻許氏及三歲兒江忠還漳浦。總督滿保出帑金賞恤之。拔侯鵬把總復姓名武。明年奉旨旌忠。廕一子。

論曰。官以盡職為榮。李茂吉雖未弁萬戶。侯安足道哉。罵賊不屈。百世下凜凜如生。常山睢陽當踈然孺子。可教矣。臺變殉難諸臣。惟茂吉最烈。若許雲。歐陽無傳者亦存其名示不忍我沒之志凱。參將羅萬倉。遊擊孫文元。守備胡忠義。馬定國。千總林文煌。趙奇。奉蔣子龍。陳元。把總林彥。林富。石琳。

皆捐軀報國。不為苟且偷生。欲一一為之立傳。惜乎未由。知其生平事蹟也。為之子孫者愧否

是氣所磅礴。凜冽萬古存。史筆傳神亦極酷。肖



長庚...
其土平...
...



厚...
...

三



